

## Banco Central ta adverti riba inversionista pa hotel



Pagina 4

- Skelet  
haya tras  
di Campo  
Alegre  
Pagina 8
- Carta  
impactante  
di  
Specialista  
Pagina 3
- Nissan Cube  
a dal ciclista  
Pagina 12

*Cada bes mas real...*

## Caminda di Cruz Bibo na Dakota



Pagina 32



Pagina 6

14 morto den avalancha  
na Cauca



Pagina 20

Aruba cu varios medaya na  
USA Open di Karate



*Dia di Rancho a keda proclama*

## Educacion empresarial pa hobennan di Rancho



**ORANJESTAD - Stichting Rancho a firma un memorandum di entendimiento (MoU) cu e compania Cornerstone Economics, pa realisa e proyecto educacional di inclusion social Rancho, CRECE.**

E acto di forma aki a wordo realisa diasabra ultimo, den cuadro di e fundacion aki su 9 año di existencia. Presidente di e fundacion, Clifford Rosa, a laga sa cu dia 20 di april, nan directiva a proclama e fecha aki anualmente como Dia di Rancho. Nan ta cuminsa traha riba e preparacion di nan prome decada di existencia, pa sigui conserva historia y cultura di e barío aki.

Igualmente, el a laga sa cu e fundacion ta contento riba e rumbo y desaroyo cu nan ta bayendo. Un fase cu nan ta bay cuminsa avor tin di haber cu e desaroyo economico di Rancho. P'esey nan a firma un MoU cu e compania Cornerstone Economics, pa duna contenido pa e proyecto aki, ya cu e trabou cu e fundacion ta bin haciendo mester di sosten financiero. E compania aki a presenta e fundacion un proyecto cu ta duna nan un bista diferente den e desaroyo economico di Rancho.

Directora di Cornerstone Economics, Lay Hing de Kort-Yee, a declara na e matutino aki, cu nan ta un compania di conseho, cu nan enfoka ta e parti financiero y economico. Den cuadro di e MoU firma cu Stichting Rancho, nan lo duna educacion financiero y empresarial pa e habitantenan di Rancho. E ta yuda desaroya e habitantenan di e barío historico aki, y tambe desaroya e parti economico di Rancho.

Nan a yega di realisa un rapport caba, pero avor nan kier bin cu un estudio mas profundo cu e fundacion, pa bay mas den historia di e barío y traha algo cu ta pas cu e mision y vision di e fundacion. E lo ta un programa di un año, unda nan lo trece educacion empresarial specialmente pa e hobennan di e comunidad di Rancho.

Mañan nan lo tin un mini conferencia, unda fundacion Rancho lo presenta dos comision. Un di nan tin di haber cu e parti maritimo, y e di dos comision cu e parti aereo. E dos comisionnan aki lo percura pa bin cu un programa di educacion riba nan topiconan pa e comunidad di Rancho tambe.



## Wilhelmina Kanker Fonds Aruba kier bin cu sede nobo na San Nicolas

**ORANJESTAD - Un proyecto cu e fundacion Koningin Wilhelmina Kanker Fonds Aruba (KWF) lo kier concretisa e aña aki mes, tin di haber cu nan sede nobo na San Nicolas.**

Presidente di KWF, Lily Prince, a laga sa cu e proyecto aki ta uno prometedor, ya cu Crossing For Hope a bisa cu lo yuda KWF pa logra e realisacion di esaki. Aña pasa, e evento aki organisa pa Crossing For Hope, caminda 5 landado a landa for di Venezuela pa Aruba, a produci e bunita suma di 130.626, 67 florin den caha di KWF.

Segun Sra. Prince, Crossing For Hope a bisa cu e fondo cu nan ta colecta ta bay den un proyecto. E proyecto

principal cu KWF tin di haber cu e apertura di un oficina of sede na San Nicolas.

Actualmente, KWF tin hopi pashentnan cu ta di pariba di brug, y nan kier duna e servicio mas cerca nan. Actualmente, ora e pashentnan aki tin cu bin Playa, nan tin cu sali prome cu 8or di mainta pa yega Playa. Nan ta haci nan diligencia cerca KWF, pero ora cu nan ta yega San Nicolas bek, ta despues di merdia.

Tin algun di nan cu ta bin cu bus cu ta laga nan na Wilhelminastraat. E clientenan aki, pashent di cancer, tin cu bin cana te oficina di KWF y bay bek meymey di e solo pisa pa bay San Nicolas. "Un persona cu ta un pashent bo tin cu dun'e e amor, cariño y

calidad di bida cu e merece," Prince a declara na Bon Dia Aruba.

KWF ta buscando un edificio central cu por ta accesibel pa nan clientenan di pariba di brug. Nan tin un na bista caba, y e ta spera cu pronto lo por concretisa e proyecto aki. Sra. Prince a laga sa cu e problematica di cancer ta sigui aumenta. Pero e dolor ta cu edad di e pashentnan ta birando mas jong.

E ta un situacion cu ta afecta su persona hopi, pasobra e ultimo añanan cu Sra. Prince ta dunando les na scol, tin biha e tin cu hay'e den e situacion doloroso cu un alumno di dje ta pasando den e situacion dificil aki. "Esaki ta haci bo dolor," el a declara na Bon Dia Aruba.





## Carta impactante di specialistanan cubriendo varios punto

**ORANJESTAD - Den un carta fecha dia 15 di april 2019, Asociacion di Especialista di Hospital di Aruba (ASHA), dirigi na Raad van Bestuur (RvB) di Stichting Ziekenverpleging Aruba (SZA), a expresa nan preocupacion pa e situacion serio den cual segun nan e hospital ta operando actualmente, cu tin consecuencia grave si no ta interveni pa mehora.**

ASHA ta cuminsa nan carta bisando cu pa nan organizacion, cuido, continuidad y seguridad di pacient tin prioridad, y cu e deseo di laga e hospital funciona como e miho hospital den nos region a keda formalisa algun aña pasa caba, cu e 'Raad van Bestuur' di e tempo ey.

Lamentablemente, segun ASHA, mester observa con toma di decision firme y funcionalidad na diferente nivel dentro di e organizacion, especificamente den RvB, ta fayando den forma creciente y structural, cu (potencialmente) consecuencia desastroso.

ASHA ta expresa su preocupacion pa e situacion cu a surgi actualmente, y cu ta inaceptable, y ta menciona 6 tema principal den cual nan ta haya cu e organizacion ta fayando gravemente.

Banda di ta dispuesto pa duna un man pa drecha e situacion, e organizacion ta haya necesario pa remarca cu, si nan ta sinti cu nan ta insuficientemente involvi den esaki, nan lo haya nan mes obliga pa involucra Inspectie Volksgezondheid Aruba (IVA) den e asunto. Sin cambio y mejoracion structural, ASHA ta kere cu ta bira mas y mas dificil pa keda apoya RvB.

### 1) Construcion nobo y renobacion di HOH

Segun ASHA, e renobacion a bay acompaña pa falta di consulta structural y solido cu e staff medico. No tin transparencia ora ta trata di tuma decision. Consulta o 'input' no ta ser pidi y/o acepta. Un ehemplo doloroso ta e hecho, segun ASHA, cu ta despues cu e contratonan pa e proyecto aki tabata firma caba, nan (ASHA) mester a muestra RvB cu no a inclui un OK nobo den e plan. E planificacion di loke tin na construcion ai-

nda (entre otro e OK) ta ser implementa sin consulta, sin tuma obhecion di ASHA na cuenta.

Despues di mudamento di cierto departamentonan na e parti nobo a elimina varios cama. Como consecuencia a haya un ocupacion completo, y repetidamente mester cancela tratamiento y operacion. Tambe tin pacient manda cas prome cu ta medicamento responsable. A pesar di obhecion di ASHA, ta parece cu atrope e directiva tin e firme decision pa atrope elimina extra cama den e reconstrucion di e ultimo parti.

Tambe pacientnan ta drumi regularmente pafor di e seccion unda na mester ta, loke ta haci atencion y cuido medico mas dificil.

E listanan di espera ta creciendo, y e necesidad di cuido medico specialisa for di comunidad ta creciendo, y ASHA ta constata cu nan ta ser informa laat, hopi biaha erroneamente, y regularmente nan no ta ser consulta mes tocante e maneho planifica di RvB.

### 2. Retiro director financiero y incertidumbre financiero

ASHA ta referi tambe na e retiro reciente di e director financiero, sin anuncio y sin splicacion di e motibo. Mientras cu ASHA ta consciente di e hecho cu nombramento di un miembro nobo no ta competencia di RvB, ta señala e situacion unda e director general ta e unico miembro di RvB, y cu e situacion aki no por keda asina. Tin hopi asunto cu a keda benta caba sin decision, e temor ta cu esey lo bay sucede mas ainda, unda ta trata decisionnan crucial cu mester tuma. A pesar di esey no tin noticia ainda di un vacatura. A comprende di Raad van Toezicht (RvT) cu lo apoya e directiva, pero no ta mira nada den maneho di directiva. Ta pidi mas transparencia y ta muestra riba urgencia di un director financiero nobo.

### 3. HR y recluta y nombra miembro nobo di staff

ASHA ta preocupa tambe pa e forma con ta maneha e reclutacion y nombramento di colega especialista nobo. ASHA tin comprension pa e hecho cu no ta un tarea facil pa busca staff medico nobo, pero ta ripara cu cada biaha



atrope ta tarda cu saca vacatura, loke ta aumenta e presion riba e specialistanan actualmente trahando. Tambe ta observa un trato menos profesional pa candidatonan pa bin traha na Aruba, cu ta haci cu nan ta dicidi di no bin Aruba, y cu otronan trahando caba ta termina nan contrato prome cu tempo.

Tambe ASA ta referi na e caso di e oncologo cu a bay di Aruba, sin cu tin (temporalmente) un oncologo practicando na Aruba. Ta spera un supervision mas fuerte riba Recurso Humano (HR) di banda di RvB, cu consulta structural cu ASHA pa cu e progreso di e procesonan andando.

Keho tambe tin tocante maneho di permiso di residencia pa e empleadonan cu mester bin di exterior. ASHA ta dispuesto pa, hunto cu hospital, duna un señal cla na politica, pa loke ta importancia di un maneho diligente di permiso. Tin especialista ta trahando na HOH sin cu nan tin permiso. Esaki tin como consecuencia cu e personalnan aki no ta segura na AZV, algo totalmente inaceptable.

### 4. Caos den departamento di compra y problematica di inventario

ASHA ta sumamente preocupa pa e situacion di inventario di medicamento y otro materialnan necesario. Hopi

biaha materialnan esencial no ta den stock, y ora haci pregunta, no tin claridad pakico. E maneho di compra ta indica cu e departamento no ta coordina bon cu e experticio y necesidadnan di esnan na trabao den e organizacion.

Tin mas y mas señal cu procedornan no ta entrega material mas pa via di e retraso den pago. Aparatonan disponible no ta funciona bon, y/o despues cu nan ta amortiza no ta reemplaza nan na tempo. Ora ta cumpra aparato nobo, no ta tene cuenta cu e experiencia y experticio di esnan cu finalmente ta bay usa e aparatonan. Seccionnan di apoyo, manera laboratorio, ta muestra un falta di continuidad, pa falta di medio o pa motibo di aparatura dañá.

ASHA ta muestra cu e situacion cu a surgi por conduci na situacionnan peligroso, cu por a evita si tabatin un bon colaboracion.

### 5. Calidad di laboratorio menguando

Experiencia general ta cu e calidad di tur laboratorio ta gravemente bao presion. Esaki ta expresa na diferente manera: test kitnan hopi biaha no t'ey, o no ta yega unda mester yega, y tin biaha cu sistemanan critico no ta funciona. E cantidad di calamidad ta aumentando, tambe pa e uso di sistema sumamente

antigua y uso di personal sin experiencia. Ta bira mas y mas dificil pa convence pacientnan policlinico pa haci nan test di sanger na hospital mes, pasobra nan ta haya mihor servicio na laboratorionan externo.

### 6. Posposicion di 'Elektronisch Voorschrijf Systeem' (seguridad di medicacion)

Comisionnan cu participacion di henter hospital a conseha pa pasa mas pronto posible pa un sistema 'EVS'. E conseho ta surgi di e hecho cu un analisis di riesgo di e actual sistema di papel ta muestra cu ta comete un cantidad grave di eror den prescripcion di medicamento, loke por observa practicamente tur dia, y cu den cierto caso a conduci na calamidad. Te awe ainda no a scoge pa un EVS, motibo pa cual ta keda existi un riesgo grandi di calamidad cu por a evita.

Finalmente, ASHA ta señala cu si no tin reconocimiento di e problematica actual y serio manera treci dilanti, y un colaboracion responsable, coordinacion di contenido formal, transparencia den asuntonan y un comunicacion directo y habri no ta bira realidad, nan ta mira nan mes obliga pa pone RvB responsable. Anto ta keda un situacion den cual e calamidadnan señala ta inevitable.




## Banco Central ta adverti riba Three Rivers Real Estate

**ORANJESTAD - Den un carta fecha 19n di maart 2019, Banco Central a manda un carta di advertencia pa e banconan comercial na Aruba, den cual nan ta trece dilanti nan preocupacion pa e compania Three Rivers Real Estate NV, presenta pa gobierno di Aruba como e compania encarga cu construccion di e hotel a;;-inclusive di 900 camber na Sero Colorado.**

Banco Central ta expresa su preocupacion, reaccionando riba noticia den medionan local tocante e compania aki, su director, accionista y/o 'ultimate beneficial owner' (e persona scondi tras di e construccion legal aki). E preocupacion ta concerni posible riesgo eleva pa labamento di placa.

Dia 15 di maart 2019, Bon Dia Aruba a publica dos ar-

ticulo simultaneamente tocante e compania aki. Uno tabata trata un di e personanan nombra como director di Three Rivers Real Estate, Jorge Luis Colmener Guzman, señala den hopi publicacion como perteneciente na e 'inner circles' di Chavismo. E otro articulo tabata trata e compania Connected Capital, cu supuestamente lo a bay hunga un papel den financiamiento di e proyecto na Sero Colorado. For di investigacion den registro publico mercantil di Londres, Inglaterra, a bin resulta cu esaki no ta un fondo di inversion, sino un compania chikito sin 'assets' di algun tamaño. Te na 2017 e mesun Jose Luis Colmener Guzman tabata involucra cu e compania aki, cu en realidad ta un 'Limited Liability Partnership'. E carta di Banco Central ta indica en todo caso cu a reacciona diligentemente riba e noticia di Bon Dia Aruba.



## Ministerio Publico y Luchtvaartonderzoeksraad a firma acuerdo

**ORANJESTAD - Dia 8 di april ultimo Procurador General di Aruba Alexander van Dam y e voorzitter di e Hunta di Investigacion di Aviacion (Luchtvaartonderzoeksraad) di Aruba Claudio Stamper a firma un acuerdo na Aruba.**

Manera ta conoci, ora di un accidente di aviacion, por tin dos investigacion cu por tuma luga. Un investigacion penal pa posibel actividadnan criminal y un otro investigacion door di e Hunta di Investigacion pa identifica aprendizahenan di seguridad di aviacion pa asina preveni futuro incidentenan y accidentenan.

E ta un requisito di e Organizacion di Aviacion Civil Internacional (OACI) pa establece acuerdo entre e dos organisacionnan aki pa en caso cu e dos investigacionnan wordo haci simultaneamente. E protocol ta encera acuerdonan di cooperacion y coordinacion, pa asina garantiza un separacion entre e dos investigacionnan y pa nan no influencia otro.

E negociacionnan pa e protocol a cuminsa den transcurso di año cu asistencia di Directie Luchtvaart. Cu e firmamento di e protocol, Aruba awor ta cumpli cu e requisito di OACI en cuestion.





**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion Ehecutivo**

Leo Maduro (hefe de redaccion)  
Nicola Gonzalez (redactor ehecutivo)  
Pilar Flores (redactor ehecutivo)

**Redaccion**

Benjamin Romero  
Kenna Hernandez  
Andreina Morillo

**Departamento Digital**

Cristian Soto Garcia

**Ehecutivo di Benta**

Sulaika Croes

email: sulaika.croes@cspnv.com

Linda Reijnders

**Aviso y Arte**

Sandra Loefstop  
Lisa Tromp  
Shannon Geerman

**Administracion**

Mariette Engelhart  
Martha Arteta de Ariza  
email: accounting@bondia.com

**Distribucion**

Jenny Kelly

**Recepcionista**

Rachelle Danje

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirks

**Colaboracion**

Yakari Gabriel  
Associated Press  
Ret Karibense  
Upload Media Aruba

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800 / Fax: 582-7044  
Email: noticia@bondia.com  
aviso@bondia.com  
Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## Hospital y ministro... *Ta bay scucha specialistanan...?*

Net prome cu e dianan di fiesta, e asociacion di specialista na Hospital a presenta un carta na directiva di hospital, cu desde algun tempo ta consisti di un solo persona. Den e carta un resumen di keho y preocupacion cu nan a categorisa den seis tema, cu nan a trata extensamente. Nos redaccion a haya e carta di tanto importancia, cu banda di e editorial aki por lesa un resumen - extenso - na Papiamento den e edicion aki. Prome cu tur cos: pakico nos ta di opinion cu e carta aki ta impactante? Pasobra e ta resumi e temanan di preocupacion di hopi otro persona cu ta involvi o ta interesa den e tema aki. Al fin y al cabo, ta trata di e unico hospital riba e isla aki, unda ta interes general pa mira esaki opera optimalmente. Y e hechonan, hasta si nos supone cu e specialistanan ta exagera un poco, ta suficiente pa haci nos como ciudadano bastante preocupado.

Pero tambe e carta tin impacto pasobra e ta cuadra cu loke ta nos experiencia personal cu hospital. Un experiencia clave ta esun na e seccion di emergencia. Aki tin varios problema. Un ta cu demasiado hende ta yega pa ayudo y ta haya tende cu realmente nan no mester ta eynan. Masha bunita, di acuerdo cu no ta na e bentana ey nan mester ta, pero cual anto? Nan docter di cas ta traha part time, atardi, anochi y marduga no tin otro caminda di bay. Tin un huisartsenpost, tin hende sa, otro nan no, pero ta e ciudadano mester streamline e procesonan aki? Ademá, tin cierto sistema di diagnostico cu keto bay ta trece e peligro, cu personal di menor rango, no medico, ta dicidi si un pacient ta haya tratamiento of no, sin cu e medico mes cu supuestamente mester ta na su puesto, haya e pacient pa mira, mucho menos dicidi ki tratamiento ta necesario. Djis un ehemplo di menos cu un siman pasa.

Un persona, cu experiencia personal den sector medico, ta haya un accidente na cas y ta kere cu el a kibra ribchi. Na hospital un enfermero ta dicidi cu no ta saca X-ray y ta manda e persona cas. Pa su mañan e ta bay IMSAN unda si ta haya X-ray, pa constata cu e tin tres ribchi kibra... anto e ta pacient cu ta tuma remedio pa tene su sanger fini, loke ta aumenta e peligro di sangramento interno... Pero, e sistema di hospital, cu den pasado a conduci caba na morto di hende, unda enfermero ta tuma decision di medico, no ta cambia. Bo por traha henter un edificio nobo, cambia tur aparato pa esun mas moderno, pero si e organizacion di trabao no ta sirbi, a lo largo bo no ta drecha nada.

Y ta esaki ta loke e carta di e specialistanan ta refleha. Nan tin razon den tur cos? O nan mes tambe ta parti di e problema? Hasta si nan ta parti di e problema, nan tin e pleno derecho di reclama y señala. Basta nan ta dispuesto di contribui na solucion di e problemanan aki, cu ta haci cu no solamente hospital ta funcionando malo, pero tambe cu e ta conduci na accidente, na 'calamidad' manera e asociacion ta yam'e repetidamente den nan carta.

E pregunta clave ta kico ta bay ta e respuesta riba e posicion fuerte cu e asociacion a tuma. Si no tin contesta, nan lo envolvi Inspeccion di Salubridad Publico den e asunto. Es decir, nan ta deposita un keho formal contra hospital pa no a reacciona riba e señal di emergencia aki. Pa e inspeccion un bon momento pa proba cu e departamento ey ta actua berdaderamente independiente. Esey ta bay resolve e problema? Tampoco, nos ta kere. Varios di e problemanan señala tin di haci cu dos asunto fundamental: maneho profesional basa riba consulta cu e partnernan involvi, di cual e specialistanan ta un factor di importancia, pero no nan so. Si un organizacion asina importante pa nos no por 'deliver' riba un tarea asina 'barata' (no ta costa nada scucha hende) anto e conclusion ta cu mester bin otro tipo di hende na mando di e organizacion, pasobra mester tin miedo cu e tareanan cu ta costa placa tampoco ta bon cuida, loke efectivamente ta resulta di e maneho di e construccion/renobacion cu ta tumando lugar, unda tur sorto di cos cu por a bay robes, a bay robes.

E problema ta haci necesario pa evalua si esnan cu ta elegi pa supervisa e caos aki, ta apto pa haci nan trabao of no. Den e carta e specialistanan no a toca e responsabilidad di e Junta di Supervision (Raad van Toezicht) cu ta e organismo cu lo mester percura pa hospital tin un directiva ehecutivo capaz y profesional. E tardansa cu tin den reemplazo di e director financiero ta nan responsabilidad tambe.

Y finalmente, henter e asunto aki ta bin cay riba tayo di e ministro concerni. Un posicion poco envidiable na e momento aki, pero e ta esun cu ta sufri e daño politico si e no ta logra coregi rumbo cu hospital ta bayendo. Impaciencia y rabia semper ta mal consehero, pero poniendo eseynan un banda, ta tempo pa actua...



## Colombia: 14 morto den avalancha di lodo na Cauca



**PORTACHUELO** (Infobae/Univision) - Por lo menos 14 persona a fayece y cinco a keda herida dia-domingo pasa, pa motibo cu terenonan a los pa e fuerte yobidanan na e municipio di Rosas, na e departamento di Cauca, fuentenan oficial a infor-

ma.

Fuente di Unidad Nacional pa Gestion di Riesgo y Desaster (UNGRD) a afirma cu e terenonan a los y lastra varios vivienda, esaki a sosode na un zona rural cu ta yama Portachuelo, na e via Panamericano, e carretera principal cu ta conecta Colombia cu Ecuador.

Autoridadnan a ricibi un alerta y nan a yega te e lugá di emergencia, na e limite di Cauca cu departamento di Nariño, pa atende e tragedia. Segun e fuente di (UN-

GRD), e habitantenan a ser alerta caba di e tragedia cu lo por sosode na e zona di 'vulnerabilidad' ey, pero nan no a scucha e alerta, pa motibo cu 'e personanan, facilmente no ta bay di acuerdo pa laga su lugá di bida'.

Di otro banda, e gobernador di Cauca, Oscar Campo, a afirma via Twitter cu tin 'organismo di auxilio y mashin geel pa traha e terenonan cu a los y cu a laga victimanan fatal na e via Panamericano', y cu hunto cu e Ehercito Colombiano, cu ta yuda cu e 'labor di rescate y limpieza na e

luga'.

Instituto Nacional di Via (Invias) a detaya e situacion, cu ademas a provoca e ciere completo di e carretera Panamericano na e kilometer 82 di e ruta cu ta uni e poblado di Mojarras cu Popayan, e capital di departamento di Cauca. E hecho aki a suma pa e suceso cu diasabra pasa na Bogota, unda otro terenonan a los den un bario sur di e ciudad, y a afecta 58 famia, di cual a ser recomenda cu 27 mester evacua y 12 no mester haci uzo di vivienda pa preveni un mayor emergencia.

## Peru: 36 luna di prizon preventivo pa ex-presidente Pedro Pablo

**LIMA** (BBC Latinoamerica) - Poder Hudicial di Peru a ordena diabierna pasa 36 luna di prizon preventivo pa e ex-presidente Pedro Pablo Kuczynski (PPK) como parti di investigacion pa su presunto vinculo cu e constructor Brasileño Odebrecht.

E autoridadnan ta investiga PPK, di 80 aña di edad, pa supuesto "labado di activo cu agravante di pertenencia pa organisacion criminal", ora e



tabata minister di e gobierno di Alejandro Toledo (2001-

2006).

E medida hudicial a yega di-

anan despues cu diaranson pasa a ser imponi pa PPKK 10 dia di detencion preliminar.

Sinembargo, el a pasa parti di e aresto preliminar den un clinica di Lima pa via di presenta problemanan cardiaco. E hipotesis di e fiscalia ta cu PPK a yuda pa haci concreto un acuerdo entre Toledo y Odebrecht pa duna pa e empresa di construccion e tramo 2 y 3 di e carretera Inter Oceanico.

Na december di 2017, Odebrecht a informa cu a paga 4,8

miyon di dollar pa Westfield Capital y First Capital, dos firma cu tin vinculo cu PPK, a cambio di varios asesoria.

Algun di e pago a sosode ora PPK tabata funcionario di e gobierno di Toledo.

PPK semper a defende su inocencia, pero el a haya e obligacion di renuncia pa e presidencia di Peru na maart di 2018, pa motibo di su supuesto relacion cu Odebrecht.

## Mexico: Pa prome biaha socio comercial principal di Merca

**CIUDAD DI MEXICO** (Infobae) - E guerra comercial entre Merca y China a laga Mexico como e socio principal di e nacion Mericano pa e prome dos luna di 2019, pa via di un intercambio cu a aumenta pa 97,418 miyon di dollar.

Di acuerdo cu informacion di e corant El Financiero, China tabata e nacion principal di intercambio comercial cu Merca durante e ultimo 3 aña.

Dos luna pasa, e cifra di im-



portacion y exportacion di e nacion Asiatico a subi te 90,366 miyon, loke a representa 13.5% menos cu na 2018.

E cantidad ey, no a kita di China e lugá di e principal socio so, sino cu tambe a manda e nacion Asiatico na e di tres lugá den intercambio comer-

cial cu Merca, bou di Mexico y Canada (e intercambio di e nacion aki a yega te 14.2% di e total).

A diferencia di loke a pasa cu China, Mexico a logra un avance di 3.4% na intercambio comercial. E cifra di importacion y exportacion entre Merca y Mexico a representa 15% total di intercambio comercial di e economia mayor di mundo.

E exportacionnan Mexicano a priminti cu e balans comercial tabata positivo pa e nacion Latino Americano.

Desde Mexico a ser manda pa Merca un balor di 27,613 miyon di dollar.

Despues di autonnan y parti di autonnan, e productonan principal cu Mexico ta exporta pa Merca ta boiler, mashin pisa y parti: mashin electrico, di zonido, television y parti; instrumento medico, kirurgico, optico y di fotografia.

E petroleo, combustibel y mineral, ta ubica na e cinco lugá cu exportacion pa 2,161 miyon di dollar.

## Guatemala: 33 morto di accidente den Semana Santa



**MANAGUA** (PrensaLibre) - Manera ta e caso den mas pais Latinoamericano, Guatemala tambe conoce un indice halto di morto den accidente durante Semana Santa. Portavoz di Polis Nacional Civil (PNC), Pablo Castillo, a splica cu e Centro

di Mando di e cuerpo a registra te na e momento ey (diadomingo pasa) 27 morto y 190 herido den accidente di trafico. Ademas, seis persona a hoga na e diferente balnearionan.

E funcionario a bisa tambe cu, di acuerdo cu datonan preliminar, tambe a captura 411 persona pa core di manera irresponsable, es decir manchando bao efecto di alcohol.

Castillo a bisa tabatin mas di

42.000 agente di e cuerpo cu ta patruya tanto riba e carreteranan como na e playanan pa garantisa seguridad di e ciudadano como di e turistanan. Un informe di Coordinadora Nacional para la Reducción de Desastres (Conred), ta duna cuenta cu for di cu a activa dia 12 di april ultimo e Sistema Nacional de Prevención de la Semana Santa (Sinaprese), a atendie 12 mil 675 persona.

Celebracion di Semana Santa na otro paisnan di e region tambe tradicionalmente ta

duna cifra bastante eleva di morto, specialmente den trafico y di personanan cu ta hoga na lama. Nicaragua a conoce un cifra di 29 morto, di cual 13 a hoga, 11 a muri den accidente di auto y cinco den homicidio. Costa Rica y El Salvador a lidera e lista, cu 43 y 42 morto respectivamente. El Salvador a conta ocho persona hoga y 34 den trafico. Honduras a bay bastante tranquil reportando solamente 11 morto, di cual ocho a muri hoga.





Vondellaan 31 • Tel: (297) 523 2250

## Felicidad realisa cu bo hipoteca di Banco di Caribe

- ✓ Interes di 5.9% (5.98% APR)
- ✓ Terminu di pago te cu 30 aña
- ✓ 100% di financiamiento ta posibel
- ✓ Seguro atractivo
- ✓ Paga interes so durante un periodo di 90 dia



**BANCO DI CARIBE**

Banco di Caribe Aruba N.V. ta reserva e derecho di cobra un penalty fee di 18 % p.a. riba prestamo den caso cu e pago no wordo haci na tempo. Si ta desea di cancela e prestamo full of parcial prome cu e fecha di vencemento un penalty fee di 5% di e suma cu ta wordo paga lo wordo cobra. Pago(nan) parcial no ta kita e obligacion cu e cliente tin pa sigui/continua cu su pagonan mensual manera acorda den e contrato. Oferta ta valido te cu fin di april 2019, despues di e campaña interes ta bira 7.75%.

## Cuba: Derame di mas di 250 mil litro di fuel oil

**HAVANA (CiberCuba)** – Na municipio Calimete, Matanzas, a sucede un derame di 268.000 litro di fuel oil, den cercania di e central di sucu Jesus Rabi. Segun un nota publica den e corant gubernamental Granma e situacion ta bao control y actualmente ta traha riba recoge mayor parti di e petroleo.



E incidente ta tuma lugar di asabra pasa den oranan di at-

ardi y e causa tabata un fayoden un deposito di combustible cu ta suministra na e des-

tileria situa cerca di e centro procesador di caña di sucu. E hecho a keda confirma

tambe pa e ciudadano Aida Sotolongo, cu a reporta e suceso riba su cuenta di Facebook. Den un video ta aparece Orlando Vandrel Cuello, director di Desarrollo y Inversion di e empresa Azcuba na Matanzas, cu a splica cu e derame a ser causa pa un valve defecto.

Eric Minoldi Perez, director di Unidad Empresarial de Base (UEB) Azumat, a notifica cu den e prome 24 ora forsanan specialisa a logra re-

cupera cerca di 135.000 litro. E producto recupera ta bay pa varios refineria pa reusa e material, cu pa gran parti no a perde su calidad, segun Perez. Loke keda na material lo ser mezcla cu piedra pa usa despues den construccion di caminda di acceso na e plantacionnan di caña. E funcionarionan oficial no ta anticipa daño na medio ambiente ni tampoco na e areanan di agricultura den e zona.

## Venezuela: Asamblea Nacional ta considera paga interes riba bono



**CARACAS (LaPatilla/Reuters)** - Asamblea Nacional di Venezuela, controla pa un mayoria opositor,

ta spera di por debati e siman aki e pago di interes di bono di e empresa estatal Pdvsa, di aproxima-

damente US\$ 71 miyon, segun varios miembro di e parlamento y un miembro di e hunta transitorio di e empresa, cu na Venezuela ta bao control di gobierno di Nicolas Maduro ainda.

Cu e pago di interes riba e bono PDVSA 2020, ta trata di duna proteccion na Citgo, e filial di Pdvsa na Estadonan Uni y un di e principal activonan di Venezuela den exterior, di un posible embargo di su acreedornan. Alejandro Grisanti, un economista nombra siman pasa den

e hunta di Pdvsa pa Asamblea Nacional, a bisa cu nan tabata “haciendo tur esfuerso” pa efectua e pago di e bononan, cu tin como garantia 50,1% di e accionnan di Citgo.

E presidente di Asamblea, Juan Guaido, a bisa na varios ocasion cu e strategia ta pa duna proteccion na e propiedadnan estatal den exterior

“Nos ta trahando riba e decision”, Guaido a bisa Reuters diabierna pasa tocante e pago di e interes, cu tin como deadline dia 27 di april. Stalin Gonzalez, prome vice-presi-

dente di Parlamento y Carlos Paparoni, diputado, a agrega cu e siman aki lo efectua e debate, pero no a precisa con e hunta ad hoc, cu ainda no ta controla e operacion di Pdvsa mes, tin pensa di haci e pago o cual fondo lo usa pa esaki.

Venezuela ta atrasa cu pago riba capital y interes di bono desde fin di 2017, pa un total di 8.000 miyon dollar. Despues di 27 di april e empresa tin ainda un luna di gracia pa paga.



## PDVSA mes lo bende ultimo gota di fuel procesa na Isla

**WILLEMSTAD –** Refineria Isla BV ta den problemanan serio. Despues cu corte a dicta cu mester laga e barco Icaro bay, tur e crudo cu tabata riba e barco a ser pomp y procesa pa refineria.

Benta di fuel for di e crudo aki lo a sirbi como un tipo di garantia pa asina paga e gastonan operacional di e refineria, incluyendo salario, pero e siman aki a haya un buelta nobo.

Icaro tabata un tanker cu e yega Bullenbaai pa deposita crudo. Pero cuater compania internacional, a laga confisca e barco y laga mara esaki na cadena. Entre nan por ehempel 4 compania internacional, Exotic Waves, Ammon Shipping, Clion Limited y ULM Blandford, a impone confiscacion riba e tanker



Icaro. E companianan ta argumenta cu PDVSA mester paga prome y despues nan ta laga e crudo den e tanker bay. Despues di un bataya fuerte den corte, hues a opta pa laga

Icaro bay, pero e crudo mester bay den deposito na Isla. A opta pa saca e crudo for di Icaro y manda esaki Isla. E crudo supuestamente mester a keda confisca, pero na momento cu a pomp e crudo pa e refineria, esaki lo a ser procesa.

E siman e compania PDVSA, aki a manda un carta pa Isla BV prohibiendo e benta di e fuel procesa. PDVSA a manda informa cu e fuel procesa den tankinan na Isla, ya tin cliente y nan mes ta bay bende esaki na e cliente en cuestion. E benta ta nifica cu PDVSA lo intermedia direct riba mercado internacional y a saca Curoil for di e benta, local no ta usual. E dos clientenan mas grandi di Isla BV ta Curoil di Corsou y e compania internacional Nynas AB.

## Robbie's Lottery cu peticion pa retira 178 empleado

**WILLEMSTAD –** Recientemente e comerciante Robbie Dos Santo a entrega peticion pa asina retira 178 empleado. Esaki ta despues di Dos Santos su intento pa tene e cuentanan bancario habri cu resultado en vano.

E banco Maduro & Curiel's a laga Dos Santos cay despues di ta su cliente pa 32 aña. Gerencia di e banco a bisa cu Dos Santo tabatin te fin di maart ultimo y despues di esaki nan no kier ningun transaccion di Administratiekantoor Dollar NV ni di Robbie Dos Santos mas cerca nan, pero esaki a ser alarga te cu fin di april venidero.

Segun Banco Maduro, Robbie Dos Santos ta den negoshi di loteria y ta cay bou di e categoria di cuentanan di riesgo. For di april 1978, Dos Santos tabatin MCB Bank como su banco principal na unda e ta deposita cen



y haci negoshi via di su cuentanan. Mayoria empleado di Dos Santos cu ta traha den loteria tambe ta cobra via di MCB. E “banco amigo” a manda bisa Dos Santos pa cera su cuentanan y busca otro alternativa.

Segun e abogado di Dos Santos den asuntonan civil, Bertie Braam a splica cu wega di number na Corsou ta un negoshi local cu ta wordo controla pa Fundacion Wegu di Number Corsou. E abogado a muestra den corte cu MCB mester cumpli cu exigencianan di banconan internacional corespondiente y netamente esey awor aki tin e relacion cu Dos Santos den problema. Pero segun Braam, e banconan corespondiente no tin nada di haber cu transaccion nan local y pa tal motibo no tin rason pa cera cuenta di Dos Santos.

Aparte di esey su cliente no ta partisipando den niun labamento di placa via di su negoshi. MCB a pone Dos Santos den un posicion dificil cu nan decision. Ta trata di e compania na Corsou Dollar Administratiekantoor cu ta bende loteria. Na St. Maarten e sucursal di MCB, Windward Islands Bank a haci mescos.

## Skelet humano haya tras di campo Alegre

**WILLEMSTAD –** Durante fin di siman a descubri un skelet humano den mondi patras di Campo Alegre.

A avisa autoridadnan concerni y ora cu nan a presenta na e sitio nan no por a yega cerca debi cu e mondi tabata basta cera. Vocero di polis a duna di conoce cu na e momentonan aki no tin mucho informacion

Locual si ta conoci ta cu ta trata di un skelet humano cu tabata tin un tempo caba eyan, y segun informacion ta cu e skelet ta falta un pia cu un man. Ainda no ta conoci a ta trata di un hende homber of hende muhe. Fiscal d ministerio publico y autoridnan concerni tin e caso bou di investigacion.





**MORE LUXURY  
MORE FEATURES  
MORE OF EVERYTHING**



#DiscoverChevrolet
FIND NEW ROADS

**CHEVROLET** 

**1.5L ENGINE, 4 CYLINDERS, DOHC / 6 SPEED AUTOMATIC TRANSMISSION**  
**STOP START TECHNOLOGY / 15" ALUMINUM WHEELS**  
**FRONT DISC AND REAR DRUM BRAKES WITH ABS SYSTEM**  
**ELECTRONIC STABILITY CONTROL / FRONT AIR BAGS FOR DRIVER AND PASSENGER**  
**POWER WINDOWS / STEERING WHEEL WITH AUDIO AND PHONE CONTROLS**  
**ELECTRIC POWER STEERING / HALOGEN HEADLAMPS / LED DAYLIGHT RUNNING LAMPS**  
**OUTSIDE MIRRORS, POWER ADJUSTMENT, MANUAL FOLDING BODY COLOR**  
**AIR CONDITIONING WITH MANUAL CONTROLS**  
**CHEVROLET INFOTAINMENT SYSTEM -**  
**WITH BLUETOOTH CONNECTIVITY AND 6 SPEAKER SOUND SYSTEM**

**CHEVROLET CAVALIER LT®**  
**AWG 34,970 (INCL. TAXES)**  
**AWG 727\*\* PER MONTH**



TANKI LEENDERT 122, ARUBA  
T: 582-3838 • WWW.CHEVROLETARUBA.COM • CHEVROLET ARUBA

\*Monthly payment is an average when financing for 5 years. Consult your bank for an exact quote.

## Refugiadonan Venezolano na Corsou den welga di hamber

**WILLEMSTAD** – Un grupo di 32 refugiado Venezolano cu ta deteni na Corsou pa ser manda bek na pais a cuminsa un welga di hamber siman pasa. E subsecretario Raymond Knops di relacionnan di reino, cu a bishita e prizon siman pasa, no a papia cu e prizoneronan Venezolano deteni pa motibo cu e combersacion tabata impervista.

E crisis humanitario y politico na Venezuela a provoca durante hopi tempo un exodo di e pais. Mayoria di e Venezolanonan cu a bandona nan pais pa motibo di hamber y otro defectonan a termina na paisnan de vecindario manera Colombia y Brasil. Pero un grupo relativamente chikito ta bay cu e crusamento peligroso cu boto via lama pa Aruba y Corsou. E gobierno di Corsou, sinembargo ta considera e refugiadonan como emigrantenan ilegal ta ser persigui y deteni den circunstancianan extremo wardando nan deportacion.

**Yegada den reino Hulandes**  
Aña pasa na luna di september Amnistia Internacional a publica cu rapport critico tocante e situacion aki. Awo shete luna despues, e situacion na Venezuela a deteriora mas. E presi-



dente Maduro a hasta cera e frontera cu e islanan pa asina evita cu e suministro di ayudo humanitario yaga na su pais. Pero Corsou na a cambia su politica y ta sigui cera e refugiadonan Venezolano.

Bishita di minister y subsecretario Siman pasa e minister di Interior Kaja Ollongren y subsecretario Raymond Knops tabata di bishita den Caribe Hulandes. Knops tambe a bishita SDKK, e compleho di e prizon na unda e supuestamente na unda e barak di stranheronan ta aloca.

E intencion di e bishita aki, segun e vocero di e subsecretario ta pa asina examina e mehoracion di e facilidad pa e detenidonan stranhero, cu ta ser traha ariba cu apoyo financiero di Hulanda. ‘E bishita aki tin como obhetivo pa asina wak cu na propio wowo e situacion’.

“Ora a puntra dicon e subsecretario si e tabata na e luga no a papia cu e refugiadonan, e contesta tabata: “Un combersacion cu e hendenan den e barak no tabata na bista.”

### Welga di hamber

Despues cu e subsecretario a bay u e refugiadonan no por a conta nan storia, un grupo di 32 cu a dicidi di haci un welga di hamber. Den un combersacion telefonico cu un reportero di Noticias Curacao un website Spaño nan a splica di con.

“Henter mundo sa di e crisis na Venezuela y nos ta sintando akinan kita di nos libertad. Nos no a comete ningun crimen, solamente nos ta emigrante, no tin delincuencia akinan”. “Nos ta aki nan pa motibo cu nos kier hende scucha nos. Nos kier u e gobierno di Corsou yuda nos pa asina nos por yuda nos famianan na Venezuela”. Nos mester di ayudo, por fabor yuda nos! Pa asina na e manera aki nos por yuda nos famia na Venezuela”.

A pesar di e blokeo di frontera, Aruba y Corsou ainda a logra manda refugiadonan bek Venezuela. Pa esaki nan a haci acuerdonan cu e regimen di Maduro, cu su mes y ta “manda avion pa e isla pa recoge e emigrantenan Venezolano.

“Den cierto casonan, e personanan ta ser deporta traves di vuelonan manda pa Venezuela mes. Esaki ta vuelonan cu ta busca personanan den paisnan stranhero”, esaki ta segun e vocero di subsecretario Knops.



# Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM  
PASA LAGA BO AVISO NA OFICINA DI BON DIA ARUBA WESTSTRAAT #22**

## TA BUSCA

Un apartamento den serkania di Playa (bon prijs) di un camber, tur cos inclui, muebla  
Tel. 593 0909 / 593 0077

## SERVICIO PUBLICO

Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman

## SERVICIO PUBLICO

ta yuda busca cas pa compra of huur  
Tel. 563 1449

## TA BENDE

pa motibo di viahe un mountain bike 26 pa Fl.600 por bel  
Tel.593 7279

## TA BENDE

un cama di baby y un carrier Pa fls.75. Por yama  
Tel. 565 5724  
741 5500

## SERVIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na  
563 4828/5679610

## TA BENDE

Cuminda Criollo calco stoba cu arroz y banana, comcomber stoba cu rabo Deja Vu Cafe & Lounge Cayena Mall Caya G.F. Betico Croes 22  
Tel. 561 1089

## SERVICIO

Unified One Events Photos , films, wedding  
Tel. 749 2533

## TA BENDE

Shimis blanco size 12 pa recibimento + di bautismo pa mucha di 1 aña y algun otro shimis elegante  
Tel. 741 8637

## TA HUUR

Timeshare La Cabana to rent 1 bedrm sleep 4 3 nights in 31 di may 2019 out 3 june 2019  
Tel. 583 8132 /641 6184

## TA BENDE

cas y tereno na tur location  
Tel. 584 5979 / 563 1449

## SERVICIO PUBLICO

Buscando auto pa huur y na bon prijs? yama nos  
Tel. 593 9953/ 593 8453

## SERVICIO PUBLICO

Handyman pa tur trabou di verfmento, plumbing tuberia, chapi, limpieza di cura, drecha mata. contact.  
Tel. 568 3728

## SERVICIO PUBLICO

Barata Barata Nos ta chapi, lanta sushi, spuit veneno, corta mata, na bon prijs Arubiano balente  
Call 592 5766

## SERVICIO PUBLICO

Pa haci trabow di verf y chapi, tur mantencion di pafor di cas Yama y puntra pa Benito na  
Tel.593 0040

## SERVICIO PUBLICO

Master Nails Pa e miho servicio y experiencia den mantencion y atencion pa bo huñanan. Yama pa un cita  
Tel. 744 9214

## SERVICIO PUBLICO

Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs  
Tel. 738 1908

## SERVICIO PUBLICO

Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs  
Tel. 593 3141

## TA BUSCA

pareha sin yiu ta busca cas of apt grandi den area di Sta. Cruz, Hooiberg of San Nicolas  
Tel. 747 8280

## GRATIS

Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc  
Tel. 561 4297 / 561 5179

## SERVICIO PUBLICO

Mi ta ofrece servicio di electricista, electricidad en general, problema cu corto circuito y mantencion  
Tel. 566 5026

## SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales Sabana Basora # 157 P.Ch.  
Tel. 561 8520

## FOR RENT

Studio in Playa (max 2 persons) living with kitchen, 1 bedroom, 1 bath room Afl.700 (excl. water+ electra)  
Tel.662 3892

## TA HUUR

Bachi pa tur ocasion  
Tel. 749 2533

## TA BENDE

Trailer 20 pia pa biba aden prijs Fls.10.000 (prijs negociable)  
Tel:594 6687 / 565 5522

## TA BENDE

BBQ Grill "crioyo" duradero Prijs Afl.250  
Tel. 569 7787

## TA HUUR

apartamento muebla camber, baño, sala, cushina. Entrada priva Fl.850 + 1 luna deposit. utilidad apart.  
Tel.583 2034 / 593 0769

## SERVICIO PUBLICO

Handyman pa trabow di: Verfmento, plumbing, tuberia, chapi limpieza di cura, drecha mata  
Tel. 568 3728

## SERVICIO PUBLICO

Ta haci tur trabou di construccion y carpinteria y tur cos cu ta furamento di stul  
Tel : 746 0518

## TA BUSCA

Señora ta busca trabow domestico (limpieza di cas)di dialuna pa diabierna  
Tel.746 5697

## TA BENDE

Gordura Ganga 15 saco pa 100 + 2 gratis. Oferta ta te cu 31 di maart  
Tel.733 2542 / 594 2380 / 564 4456

## TA BUSCA

mi ta busca trabow di cas, laba, strika y haci cas limpi  
Tel.569 0994

## SERVICIO PUBLICO

Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricantes de hielo  
Tel. 600 0750

## TA HUUR

Un local comercial na Plam Beach Pa mas info por yama  
Tel.562 7708

## SERVICIO PUBLICO

recojemos todo tipo de basura (nevera, estufa, etc)  
Tel. 564 1979

## SERVICIO PUBLICO

Ta haci tur trabou di construccion y carpinteria y tur cos cu ta furamento di stul  
Tel : 746 0518

## SERVICIO PUBLICO

ta drecha tur sorto di Imagen  
Tel. 584 2489

## TA HUUR

1 Apartment cu 2 camber den Playa 1 luna di borg, sin mueble, awa + coriente apart  
Tel : 568 4209

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI**

## MAS CERCA DI BO!



**Yena aki bao e siguiente informacion**

### Telefon

Number completo: .....

Adres di entrega: .....

Adres di cobranza: .....

### Pago Adelanta:

☐ 3 Luna

☐ 6 Luna

☐ 1 aña

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na [accounting@bondia.com](mailto:accounting@bondia.com)  
[www.bondia.com](http://www.bondia.com)**



*Mensahe di Santa Rosa*

## Dia di Tera 2019: Proteha nos especienan y e importancia di abeha



**PIEDRA PLAT** - Anualmente ta celebra Dia di Tera riba e fecha di 22 di April. Hunto cu e celebracion aki, tambe ta scoge e tema pa concientisa mundo completo. E aña aki, dedicacion ta riba e especienan cu sigur ta hopi importante, no solamente mundialmente, pero tambe na Aruba. E especie cu ta wordo enfoca riba dje ta Abeha. Bo tabata sa con importante un Abeha ta? Bo tabata sa cu Abeha pa polenisa mayoria flor?


Awendia nos Departamento di Agricultura, Cria y Pesca Santa Rosa pa algun aña caba a stop completamente cu uzo di pesticidanen kimico cu ta dañino pa nos medio ambiente, y mas ainda pa nos Abehanen. Nos ta conseha nos agricultornan pa haci uzo di otro tipo di pesticida mas biologico y/of natural posibel. Esaki ta pa cuida nos abehanen mas tanto posibel.

### Loke bo mester sa di abeha y con pa yuda proteha nan

Abeha ta un especie hopi extraordinario cu ta existi den tur tipo di clima mundialmente. For di mondinan grandi te cu desiertonan di Africa, incluyendo circulo Polar Artico. E diferente abeha y nan habitat ta diferencia di luganan manera na Merca, unda nan ta biba bou tera, buracan y den mata.

Durante gran parti di e ultimo dies añanan tras di lomba, Apicultornan di Merca y Europa ta reporta perdida anualmente di ciclo di Abeha di 30% substancialmente mas di loke ta wordo considera normal of sostenibel. Echo ta cu un di cada cuater abeha salvahe na Merca ta den riesgo di extinsion.

E poblacionnan mundial di Abeha ta den eextinsion. Incluyendo e Abehanen di Honing y Abehanen Salvahe Nativo. Ehempel ta e Abehanen tipo geel ta mas abundante den parti noord di Wisconsin, den mas o menos den decada di 1990, y den transcurso di dies aña, cu un representacion di menos di 1% di e popu-



lacion di abehanen di e estado. Den estado di Oregon, e Abehanen di 'Franklin' probablemente a extingui durante e mesun periodo.

### Ciclo di Abeha y caracteristica

Abehanen ta biba hunto den cas. Den un cas por tin mas o menos 50.000 pa 60.000 Abeha. Den e cas tin e Abeha muhe (Abeha Trahado) Abeha homber y un Abeha Reina. E reina su curpa ta mas largo. E tin un puy pa defende su mes. E reina su puy ta mas largo cu e abeha muhe, y e no ta stret. E ta uza su puy solamente contra otro reina. E reina ta e abeha cu ta pone webo, y e por biba te cu 7 aña. E reina por pone 1,000 pa 3,000 webo pa dia. Ningun reina ta permiti pa un otro reina den nan cas. Dado caso cu esey mester tuma luga, nan lo bringa picando otro te cu un muri, uzando nan puy.

Un otro caracteristica di abeha ta cu si tin mas cu un reina ta bay nace, esun cu nace prome lo pica tur e otronan mata prome cu nan nace.

E Abeha muhe ta esun di un tamaño mas chikito. E cas mester di hopi trahado y nan ta haci e trabou di tanto

paden y pafo di e cas. Nan trabou ta cuminsa for di ora nan nace. Nan ta biba mas o menos 5 pa 6 siman. E abeha muhe tin su patanan patras cu cabey. Den esaki e ta warda e puiro di e flornan cu e bishita. E Abeha muhe tambe tin su puy pa defende su mes, pero si e uza esaki ta nifica su morto.

Trabounan di e Abeha Muhe Cuminsando for di dia 1 pa 3: e ta haci limpi y e ta kibra y come e tapa di wax pa e sali.

4 pa 12 dia: E Abehanen cu ta bay nace, e ta crianan cu honing y puiro for di e flornan. E reinanan ta haya cuminda special cu ta e 'Royal Jelly'.

### Di 13 pa 17 dia: e ta cuminsa traha e Wax.

Di 18-21 dia: E ta cuida e cas y e ta percura pa ningun enemigo drenta (otro insecto). Di 22 dia y te ora cu e muri, e ta busca e nectar pa traha honing y puiro di e flornan pa nan come. E nectar, ta want'e den su stoma y e puiro di flor na su patanan

### Abeha Homber

E Abeha homber no ta traha asina hopi mescos cu e Abeha muhe. E no tin un trabou y ta biba mas o menos 5 pa 6 siman. E ta wordo cria cu cuminda for di e Abeha muhe te dia cu e broei cu e Abeha reina. Na momento cu e caba di broei cu e reina, e ta wordo cori for di cas y e lo muri di hamber.

### Pakico nos mester proteha nos Abehanen

Tur mata mester di Abeha pa polenisa cu ta haci Abehanen ta e polenisadonan indispensable di mayoria di ecosistema. Tin mas cu 369.000 especie di mata y flornan. E 90% di nan ta depende di polenizacion di insecto. Un Abeha riba su mes por bishita di 50-1000 flor den un trayectoria di biahe. Si un Abeha realiza dies biahe pa dia, di un colonia di 25.000 Abeha, e por poleniza 250miyon flor den un dia.

Abehanen ta un tipo di especie hopi clave cu otro tipo di especienan cu ta depende di e Abeha pa nan por sobrevivi. Hopi especie di animalnan ta depende di e Abeha pa nan sobrevivencia debi cu nan fuente di alimento, incluyendo nuts, diferente fruta y simia ta depende di polenizacion di insecto. Polenizacion no solamente ta haci alimentonan disponibel pa otro organismo, pero tambe ta permiti crecemento floral cu ta crea habitat pa animal y otro insectonan.

Awor bo ta mas consciente di con importante un Abeha ta. Ban cuida nan y percura pa nos no uza pesticidanen kimico pa caba cu otro tipo di insectonan cu kisas ta causa problema na bo cas of cunucu, pero cu ademas di mata insecto indesea, por caba cu e Abehanen, cu ta hopi esencial pa loke ta polenizacion di flornan.





## Nissan Cube a dal contra ciclista riba Sasakiweg

**SASAKI** - Riba caminda di Sasakiweg diadomingo mainta trempa yegando e rotonde biniendo for di nort un chauffeur masculino den un Nissan Cube, lo a baha caminda y dal contra un ciclista.

E ciclista a resulta herida debi na e golpinan ricibi. Ambulance a presenta na e sitio y paramediconan a brinda asistencia y stabilisa e victima pa despues transporte pa hospital pa haya atencion medico avansa. Specialista di trafico a keda solicita pa haci nan investigacion hunto cu departamento tecnico, na e sitio a pone e chauffeur supla tambe.



## Pickup Hilux a bolter pabou rotonde Sasaki y cay den greppel

**SASAKI** - Diadomingo den oranan di marduga chauffeur di un Toyota Hilux pickup a lubida e birada cu tin pabou rotonde Sasaki direccion Oceania y a perde control baha e caminda y bolter cay den e greppel.

E pickup a keda riba su dal tur hende a sali lizo, y roadservise a keda encarga pa yama takelwagen.

## Porta di cura a cay riba señora di edad den Caya St Lucia

**SAN NICOLAS** - Diasabra atardi habitantenan di Caya St Lucia a bati alarma na centro di alarma, informando cu un porta di cura a cay riba un señora di edad.

Polis y e unidad di ambulance a presenta di biaha, habitantenan a yuda e señora y paramedico a brinda asistencia medico y a bay cu e victima centro medico.



## Accidente den cadena na Kamerlingh Onnestraat

**ORANJESTAD** - Diasabra anochi den Kamerlingh Onnestraat dilanti KFC a sosode un accidente cu tres auto envolvi.

E chauffeur di un Corolla no a midi su velocidad y a dal tras di un Hyundai Elantra pa despues e Elantra a dal tras di un Ford Edge. E impacto a laga e tres autonan kibra. Polis di trafico tabata presente pa atende cu e accidente. A pone e chauffeur supla pa wak si e ta bou influencia di alcohol.





## Chauffeur a trot di golpi y retrocede contra cura di cas

**PRIMAVERA** - Na un supermercado na Primavera a sosode un accidente na unda cu un chauffeur masculino den su auto a bay haci compras . aki ta unda cu algo lo a bay robes na momento di reverse unda a primi trot di golpi cu consecuencia e auto a reverse crusa caminda y bay dal contra un cura di cas basha esaki.

Ambulance tabata presente na e sitio caminda cu paramediconan a brinda asistencia na e personanan di edad cu tabata den e vehiculo. Polis tambe tabata na e sitio pa atende cu e dalmento.



## Homber cu cuchiu den man tabata core tras di algun señora



**PONTON** - Algun señora spanta na un apartamento na Ponton a haya nan ta core pa nan bida, despues cu un homber a cuminsa core cu cuchiu nan tras.

Nan a yama pidi asistencia di polis pa intermedia, pero ora cu e oficialnan a yega na e sitio nan no a topa cu arma blanco. E oficialnan a intermedia den e asunto aki y tuma dato di e sucedido.

## Homber deteni den bar pa actonan di pedofiel



**ORANJESTAD** - Diasabra marduga patruya di Oranjestad a acudi na un bar na Tanki Leendert, na unda den e luga tabata tin un homber busca pa husticia relaciona cu caso di pedofiel contra un menor di 16 aña.

Un denuncia lo a keda haci na e homber aki algun tempo atras unda e lo a molestia y of a mishu cu un menor di edad, y famia a haci denuncia aki na JZP. Reacciona rapido di polis a topa cu e sospechoso cu a purba sconde den e bar y a keda deteni hiba warda.

## Turista a activa bom melding na Oceania

**EAGEL BEACH** - Diasabra pasa di 10'or mainta un turista a bay den su camber di hotel na Oceania y a ripara cu un di e tasnan no ta di nan na momento cu nan tabata coba aden. A topa cu dos artefacto straño manera un bom cu ta pone na tera pa hende trapa y a raporta di biaha na siguridad unda polisnan a presenta di biaha na e sitio.

A evacua un cantidad di turista cu tabata den e

piso menciona, y a pone tur hende na un distancia. E oficialnan no a confia e situacion ora a mira e artefactonan y a activa e Bom Team di Cuerpo Policial. A yega na unda e artefactonan ta, y a constata cu ta filternan pa gasmask. Asina a laga tur turista cu a keda evacua for di nan camber di hotel bay bek den nan camber sin ningun problema. E oficial a splica tanto e personal di e hotel y e turista kico tabata e dos artefactonan y asina tur hende a keda trankilo.





## Estado di emergencia na Indonesia pa derame di azeta



**INDONESIA (BBC) - Indonesia a declara estado di emergencia pa yuda stop un derame di azeta mortal cerca di e costa di e isla Borneo.**

Sikiera cuater piscado den e ciudad di Balikpapan a perde nan bira durante weekend, ora cu e derame a cende den candela.

Centenares di persona a reporta

problema di salud desde e derame di asabra.

No ta conoci precies kico a causa e derame. Mientras e ta continua plama, e riesgo di mas candela ta crece, segun autoridadnan a bisa awe. E agencia ambiental di Balikpapan a adverti miembronan di comunidad local pa evita cualkier actividad 'cu por ocasiona candela'.

E derame, cu ta menasa di sigui contaminacion e awanan unda ta pisca rond di e costa, actualmente ta cubri un area di 12km<sup>2</sup>.

Ademas di e cuater morto reporta, oficialnan local di salud a bisa cu centenares di persona den e area a experiencia dificultad pa hala rosea, nausea y sacamento desde cu e candela a cuminsa.

Lansando un estado di emergencia ta permiti pa gobierno libera fondonan pa yuda autoridadnan local den nan esfuerzo pa contene e derame, y pa cualkier operacion di limpieza subsecuente.

Balikpapan, den provincia di Oost Kalimantan, ta sede di un refineria petrolero grandi, propiedad di e compania estatal Pertamina. Mientras investigacion ta sigui tocante con e azeta a caba den lama, Pertamina ta bis cu nan tuberia bou awa no a lek. Un manager general na e refineria a bisa Jakarta Post diasabra cu e derame tabata fuel oil marino, no crudo.

Piscadonan na Balikpapan a bisa cu nan lo participa den un protesta mañan, pa tene gobierno Indones y Pertamina responsabel pa e derame. Pertamina a nenga responsabilidad pa e disaster.



## Comediante ta gana eleccion presidencial na Ucrania, victoria aplastante

**UKRANIA (BBC) - Comediante Ukraniano, Volodymyr Zelensky, a logra un victoria aplastante den eleccion presidencial di e pais.**

Cu casi tur voto conta, Zelensky a bay cu mas di 73 por ciento, cu e incumbente Petro Poroshenko hopi atras, cu 24 por ciento.

"Mi no ta bay decepciona boso", Zelensky a bisa su sostenedonan, kende tabata celebra.



Rusia a bisa cu nan kier pa e mustra 'bon huicio', 'honestidad' y 'pragmatismo' pa rel-

acionnan por mehora. Rusia ta sostene separatistanan na Oost Ucrania.

E comentarionan a bin for di prome minister Ruso, Dmitri Medvedev, den un post riba

Facebook ayera. El a bisa cu ta spera cu Zelensky lo 'ripiti formula ideologico familiar' cu el a uza den campaña, añadiendo: "Mi no tin ningun ilusion al respecto. Na mesun momento, tin chens pa mehora relacion cu nos pais." Poroshenko, kende a admiti derota despues di publicacion di e prome polls, a bisa cu no lo bandona politica. El a bisa cu Zelensky, di 41 año di edad, falta hopi experiencia pa por para contra Rusia efectivamente.

Zelensky, un novato den politica, ta conoci pa su rol den un serie di television satirico,

Sirbiente di Pueblo, den cual su personahe accidentalmente ta bira presidente di Ucrania. El a bisa reporteronan cu e lo 'reboot' combersacionnan di paz cu e separatistanan bringando contra forsanan Ukraniano y boluntarionan den oost di e pais.

"Mi ta kere nos lo tin cambio di personal. Den cualkier caso, nos lo sigui den direccion di e combersacionnan di paz di Minsk, y bay dilanti pa un cese al fuego", el a bisa.

Tin pelea sporadico, y e situacion tambe ta permanece tensu rond di Crimea, anexa for di Ucrania pa Rusia na 2014.

## Atakenan na Sri Lanka a laga 290 morto y 500 herido

**SRI LANKA - Autoridadnan di e pais a faya den e advertencia di agencia di inteligencia ora cu a duna informacion di menasa pa un atake di un grupo musulman cu a ocasiona bom riba diadomingo.**

E bomnan a explota den misa na St. Anthony's Shrine un misa catolico na Kochchikade, Colombo, St. Sebastian's Church na Negombo noord di Colombo, y Zion Church na Batticaloa, oost di Colombo y hotelnan Shangri-La, Kingsbury, Cinnamon Grand. 7 persona cu a carga bom suicidio di un grupo militante cu yama National Thowfeek Jamaath, asina e minister di salud Rajitha Senarathne a bisa. Mas durante oranan di atardi 7



explosion a tuma luga na Tropical Inn guest house cera di un zoologico na Dehiwala.

Autoridad ta confirma 290 morto y un 500 persona herida den e atakenan. Mayoria di e personanan aki ta di Sri Lanka mes, pero 31 persona ta

di otro paisnan. E gobierno ta culpa un grupo di jihadista local conoci como National Thowheed Jamath cu ta ser bisa cu nan tin apoyo di red internacional. Autoridad a detene 24 persona den cu serie di razzia di cual 13 a ser deteni diadomingo mes.

E minister Ruwan Wijewardene a describi e sospechosonan deteni como extremistanan religioso. Tabata tin 8 explosion cu a sacudi e islanan den e Indian Ocean diadomingo ultimo cu ta e prome atake grandi desde e fin di decada di e guerra largo entre Marxist Tamil Tigers organization 2009.

Tin varios Americano den e morto nan, tambe di Gran Bretaña, India, China, Hapon y Portugal. Mayoria di caya ta cera y sin hende pero cu gran cantidad di soldaat y polis vigilando.

E prome minister Ranil Wickremesinghe, a bisa cu autoridadnan ta al tanto di e informacion tocante e posibel atakenan, pero no a actua. Un emergencia na full e pais, cu lo duna polis y militar nan e poder pa detene y interroga sospechosonan, esaki a cuminsa desde dialuna marduga.

Den e atake biyonario di Denemark Anders Holch Povlsen a perde 3 di su 4 yiunan, cu tabata di bishita na Sri Lanka pa e fin di siman di Pasco grandi. Un homber Britanico tambe a confirma cu el a perde su casa y su dos yiunan uno di 11 año y otro di 14 año di edad ora cu un bom a explota den e restaurant na Shangri-La hotel. E mortonan di personanan di India ta subi di 7 pa 8 persona



## Fundacion Pa Nos Muchanan a revela logo nobo

**ORANJESTAD -** Despues di 27 aña FPNM a tuma e reto pa diseña un logo nobo y esaki a ser presenta durante Dia Pedagogico 2019. Durante e dia di estudio aki 200 lider di diferente Centro di Cuido y guia di mucha (crèche) tabata presente.

FPNM a mira esaki como un momento ideal pa revala e logo nobo como cu FPNM ta duna Guia na lidernan di centro di cuida. Na final di e Dia pedagogico esunnan presente a aglomera den e sala principal pa asina haya sa kico ta e 'Surprise event' di e dia aki. Prome cu e revelacion e Presidente di FPNM Jayburtt Dijkhoff a haci un introduccion chikito sigui pa e Vice-presidente Lionell Croes cu a splica e historia di FPNM, sigui pa e revelacion di e logo nobo.

### Diseño

E diseño aki ta describi un conexion y interrelacion entre 3 figura primario dentro educacion di un mucha. E prome figura ta e mayor di e mucha, e di dos persona ta e educador y e di tres ta FPNM cu ta actua como e centro di educacion pa mayornan y profesionalnan entre otro den centro di mucha. E logo tin 3 diferente color cu ta enfatisa e 3 diferente actornan cu ta hunga un rol den educacion di e mucha. E simbolo ta representa union y desaroyo. E union pa integracion di diferente personanan ta promove desaroyo entre nan tur. E flechanan ta representa e direccion positivo, avance, evolucion y crecimiento. Cu esaki nos ta informa comunidad di Aruba cu esaki ta e logo nobo di FPNM.



**Like us on  
Facebook**



[facebook.com/bondianoticia](https://facebook.com/bondianoticia)



## Entrega di certificado na hobennan di Traimerdia na School Washington



**WASHINGTON** – Recientemente minister di Financia a haci entrega di certificado na 38 hoben di klas 5 y 6 di Traimerdia na School Washington na Noord, pa nan participacion na Kidpreneur\$ with Big Ideas.

Un programa di Idea di Departamento Economico na unda hobennan ta haya informacion y e herment necesario pa bira comerciantenan exitoso den futuro.

Tabata un placer pa tende con contento e muchanan ta di por a sigui e lesnan cu a dura 6 siman y den cual e hobennan mes ta relata con hopi nan a siña y cuanto smaak nan tin di bira comerciante mañan. Esaki ta netamente e intencion di e programa aki na unda tur hoben di klas 5 y 6 cu ta bishita un Traimerdia ta haya oportunidad pa cera conoci cu e mundo di negoshi.

Na november lo organisa un Bazaar den cual tur e hobennan por bende nan producto y pueblo en general por bin cera conoci cu nan talento di benta y nan bunita obranan.

Masha danki na Departamento Economico, specialmente Idea y tur Juffrouw y Meneer di Traimerdia pa haci e bunita evento aki posibel.





## Monumentenbureau hurado pa proyecto di estudio di EPI sector tecnico

**ORANJESTAD -** Pa varios aña caba, Monumentenbureau ta para hurado pa cu e bunita proyecto di estudio cu EPI sector tecnico anualmente ta organisa den e luna di april. Esaki ta un Scienc Fair pa studiantenan den nan segundo aña di estudio. Aki e studiantenan mester traha un proyecto cu ta wordo evalua pa expertonan den cada sector.

E aña aki, Monumentenbureau representa pa ing. Ryan Alexander y ing. Raul Gei a evalua e proyectonan di Sector 'Bouwkunde'. Aki nan ta controla e proyectonan cu e studiantenan mester a haci den un tempo defini.

E studiantenan mester a haci

uzo di e conocimiento ricibi den nan prome dos añanan, pa asina pone den practica. Tabata tin proyectonan hopi bon elabora y interesante cu den practica sigur por funciona. Proyectonan cu a wordo evalua ta e.o.: Wooden lounge, Roterend Wiel & dynamo, Flexible bank, wooden drift car, etc.

E huradonan a keda hopi impresionada cu e presentacion di e diferente proyectonan. Monumentenbureau semper ta keda encanta cu nan contribucion y asistencia na e studiantenan, y kier a gradici staf y personal di EPI sector tecnico pa acerca Monumentenbureau pa para hurado y por conta riba e apoyo di Monumentenbureau pa e proximo añanan.



## Centennial Silver Award pa fellow Lion Junior Arends



**ORANJESTAD -** Recientemente, Aruba One Happy Island Lions Club a ricibi e grato noticia cu Director di Miembresia, fellow Lion Junior Arends, a ricibi for di Lions Club International un reconocimiento pa su trabou di engrandec nos club durante e celebracion di 100 aña di Lions Club International.

Fellow Lion Junior a ricibi e Silver Centennial Award den forma di un pin, y esaki a wordo otorga na su persona,

durante nos ultimo reunion di miembresia, door di fellow President Andy Curiel y fellow Secretary Carla Martinus. Directiva y miembresia ta desea fellow Lion Junior Arends hopi pabien cu e reconocimiento ricibi for di nos oficinanan internacional. Sigur como club hoben nos ta hopi orguyoso di e logro aki.

Bo tambe ta interesa den join nos y forma parti di e club di servicio mas grandi na mundo? No duda den tuma contacto cu nos na ohilclubaruba@gmail.com of 594-5212.



## Kenin y Stephens ta yuda Merca vence Suisa 3-1 den Fed Cup



**SAN ANTONIO (AP) — Sofia Kenin y Sloane Stephens a gana partidonan pa duna Merca un victoria 3-1 contra Suisa diadomingo, den un playoff di Fed Cup World Group.**

Kenin, un reemplazo laat pa Madison Keys, a vence Timea Bacsinszky 6-3, 7-6(4), pa caba e partido na Frema Coliseum. E Mericanonan a avansa na e sorteo di World Group 2020, mientras Suisa a wordo relega na Grupo II.

Kenin, di 20 aña di edad, a bay for di 3-0 down den di dos set, na forsa un 'tiebreaker' y gana su prome partido di Fed Cup. "Mi ta djis hopi contento, y

mi ta sinti cu di berdad mi a laga tur cos riba e cancha", Kenin a bisa. "Sloane a bisa 'bo sa kico? Djis bringa. Laga tur cos riba e cancha'."

Den e partido di apertura diadomingo, Stephens a vence Viktorija Golubic 6-3, 6-2. Diasabra, Stephens a vence Bacsinszky 6-4, 3-3, y Golubic a vence Keys 6-2, 6-3.

"Djis pa yega bek den World Group ta importante", Stephens a bisa. "Nos kier competi, obviamente, pa otro titulo di Fed Cup."

E Mericanonan, kende a gana e Fed Cup di 2017, a mehora na 9-0 contra Suisa den total.

## Lloyd Pierce reemplasando Nate McMillan como coach di USA Basketball

**ATLANTA (AP) — Coach di Atlanta Hawks, Lloyd Pierce, a wordo añadi como coach assistant pa USA Basketball e berano aki, ora e Mericanonan lo competi den e FIBA World Cup na China, y purba cualifica pa e Olimpiada di Tokyo 2020.**

Pierce ta reemplasando e coach di Indiana Pacers, Nate McMillan, kende a retira pa motibo di conflicto di agenda. Pierce, Steve Kerr di Golden State Warriors, y Jay Wright di Villanova, lo ta e assistantnan bou coach Gregg Popovich di San Antonio Spurs.

E FIBA World Cup lo tuma lugar te dia 15 di september.

E demandanan di e agenda y biahe lo ta demasiado pa McMillan — kende su Pacers ta prepara pa cuminsa training camp poco despues di e wegá pa medaya di oro di World Cup, y lo mester biaha na India pa un par di wegá di pre-temporada diana 4-5 di october proximo.

Pierce tin un historia cu e managing director di e team nacional masculino Mericano, Jerry Colangelo. Mientras Colangelo tabata traha pa Philadelphia, Pierce tabata un coach assistant eyan. "El a demostra habilidad en particular pa resalta como coach di defensa", Colangelo a bisa. "Ademas, tabata evidente durante nos tempo hunto na

Philadelphia cu e tabata un lider fuerte, hungadonan tabata respet'e hopi. Mi ta kere nos tin suerte di haya un hende cu su habilidad. Mi ta kere e ta un adicon tremendo."

Merca ta number 1 den mundo, y lo enfrenta Republica Checo, Hapon y Turkia durante e weganan di Grupo E na Shanghai. E Mericanonan lo tene training camps na Las Vegas y Los Angeles na augustus, despues tin weganan di exhibicion na California y Australia, prome cu yega China.

Merca ta buscando su di tres medaya di oro di World Cup consecutivo.



## Lyon, Barca ta gana prome semifinal di Champions League femenino



**LYON, Francia (AP) — Campeon defensor Lyon a vence Chelsea 2-1 diadomingo den e semifinal di Champions League femenino, y Barcelona a vence e anfitrión Bayern Munich 1-0.**

Mira pa un publico di casi 23,000 persona, Delphine Cascarino a habri e anotacion pa Lyon den minuut 27, y Amandine Henry a duplica e bentaha pa e anfitrión Frances prome cu mita tempo.

Fran Kirby di Chelsea a haya su scop di penalty salba pa Sarah Bouhaddi, pero e banda Ingles a logra un gol valioso leu di cas danki na un tiro largo di Erin Cuthbert den minuut 72.

Lyon a gana e titulo Europeo pa e ultimo tres tempodada.

Kheira Hamraoui a anota pa Barcelona casi na mita di e segundo tempo. Bayern casi a empatá ora Sara Dabritz a dal e bara cu un scop liber den minuut 90.

E di dos ronda di semifinal lo ta diadomingo proximo.

E final lo tía dia 18 di mei na Budapest.



## Ronaldo: Prome hungado pa gana tres liga mayor Europeo

**ROMA (AP) — E avance bou Alex Ferguson na Manchester United. Despues, e coronacion na Real Madrid. Y awo, otro titulo cu Juventus. Si algun bes tabatin necesidad di enfatisa e impacto di Cristiano Ronaldo como futbolista, e cinco-biaha ganado di Ballon d'Or a haci esaki atrobe den weekend, door di yuda Juventus gana e titulo Serie A den su prome temporada na Italia.**

Ora di haci esaki, Ronaldo, di 34 aña di edad, a bira e prome hungado den historia cu a gana titulo di liga den Premier League Ingles (cu United), e liga Spaño (cu Madrid) y Serie A (Juventus).

“Mi ta hopi contento di a gana na Inglatera, Spaña, y awo e titulo na Italia tambe”, Ronaldo a bisa. “E ta nifica hopi pa mi, y ta nifica hopi pa nos como team.”

Otro hungadonan a gana titulo den tres di e cinco liga mayor Europeo (Inglatera, Spaña, Italia, Alemania y Francia) pero ningun anteriormente tabatin e combinacion di Inglatera, Spaña, y Italia.

David Beckham a hunga den cuater di e liganan top, pero a gana titulo unicamente na United (seis), Madrid (uno) y PSG (uno), fayando di hisa e trofeo di Serie A durante su

racha na AC Milan.

Zlatan Ibrahimovic a gana cuater titulo di Serie A (tres cu Inter Milan y uno cu AC Milan), e liga Spaño cu Barcelona, y cuater campeonato Frances cu PSG.

E Brasileiro, Maxwell, tabata den hopi di e mesun ekiponan cu Ibrahimovic, y tambe a gana na Italia, Spaña y Francia.

Despues tabatin Arjen Robben, kende a gana e Premier League dos biaha cu Chelsea prome cu logra un titulo Spaño cu Real Madrid, y shete trofeo di Bundesliga cu Bayern Munich. Otro Hulandes cu a logra e hazaña ta Mark van Bommel, cu titulo na Barcelona, Bayern Munich (dos) y AC Milan.

Mientras Juventus tambe a gana e liga den e shete temporada prome cu yegada di Ronaldo, no tabatin duda en cuanto su impacto na Turin. Cu 19 gol y seis asistencia den 27 partido di liga Italiano e temporada aki, Ronaldo tabatin un parti den casi 40 porciento di e golnan di Juventus.

Pues no tabata un sorpresa cu su tiro a wordo dirigi pa un defensa como un auto gol pa duna Juventus un victoria 2-1 contra Fiorentina diasabra – dunando e Bianconeri mas cu e punto cu nan tabatin mester pa segura e record

di ocho titulo consecutivo, cu cinco ronda faltando.

Ora Juventus a adkiri Ronaldo den un transferencia di 100 milyon euro aña pasa, e expectativa tabata cu e lo yuda caba e buskeda largo pa un trofeo di Champions League pa e club.

Ronaldo a haci su parti door di anota un hat trick pa elimina deficit contra Atletico Madrid den e rond di knockout, y gol den tur dos ronda di e cuartos di final contra Ajax, pero Bianconeri toch a wordo elimina pa e club Hulandes.

“Otro aña ta un pagina nobo, tur fanatico kier esaki, y nos tambe”, Ronaldo a bisa. “Ta un trofeo importante, pero e ta dificil pa gana.”



### Stichting Onderwijs CombinA



Peutergroep Prikichi - Basisschool De Schakel – Schakel C  
Boegoeroei 7-B, ARUBA - Tel: (+297) 5871583  
[www.schakelaruba.com](http://www.schakelaruba.com)

Zoekt per 1 augustus 2019

**Leerkracht primair onderwijs groep 1-8 (40 uur per week)** voor Basisschool de Schakel die

- in het bezit is van een PABO-diploma
- minimaal 3 jaar recente werkervaring heeft op een Nederlandse school met een Nederlands curriculum
- bekend is met onze methodes, het werken met groepsplannen en hebt ervaring met gedifferentieerd onderwijs;
- ervaring in de kleutergroepen is een pré

**Sport- en Spel Coach (40 uur per week)** voor Basisschool de Schakel

voor het geven van sportlessen op de basisschool, het coördineren van het naschoolse sportprogramma Time 2 Play en het begeleiden van CIOS-stagiaires, die

- in het bezit is van een sport gerelateerde opleiding op MBO niveau (CIOS).
- (stage)werkervaring heeft opgedaan met deze vorm van activiteiten
- een praktische, planmatige en resultaatgerichte instelling in combinatie met een sterk o

**Peuterleidster (36 uur per week)** voor Peutergroep Prikichi die

- een afgeronde pedagogische opleiding heeft op (niveau 3-4)
- minimaal 2 jaar passende werkervaring heeft
- kennis en ervaring heeft met het werken via basisontwikkeling
- ervaring met het observatiesysteem Kijk! is een pré

#### Functie-eisen:

We zoeken enthousiaste medewerkers die:

- onze werkwijzen onderschrijven en actief uitvoeren;
- een uitstekende beheersing hebben van de Nederlandse taal;
- ervaring hebben met meertalige leerlingen;
- in staat en bereid zijn om zorgvuldig om te gaan met cultuurverschillen;
- op een positieve manier samenwerken met collega's en ouders;
- in het bezit zijn van een rijbewijs.

#### Wat bieden wij:


- 60 vakantiedagen per jaar
- Een contract voor onbepaalde tijd met een proeftijd van 2 maanden
- Een marktconform salaris
- Collectieve Pensioenvoorziening via de Guardian Group op Aruba

Voor verdere informatie m.b.t. deze vacature kunt u contact opnemen met Claudia Baur, schoolleider, telefoon 00297-5871583 of kijken op onze website [www.schakelaruba.com](http://www.schakelaruba.com).

#### Procedure:

Belangstellenden die aan bovenstaand profiel voldoen, worden verzocht uiterlijk

1 mei 2019 per e-mail een sollicitatiebrief en CV te sturen t.a.v. de schoolleider, mevrouw C. Baur ([claudia@schakelaruba.com](mailto:claudia@schakelaruba.com)).





## Tamashi Shotokan Karate Do Aruba cu diferente medaya na USA Open di Karate



**ORANJESTAD -** Tamashi Shotokan Karate Do Aruba cu recientemente tabata na Las Vegas, Nevada unda nan a competi den e Junior International y USA Open di Karate, esaki ta sin duda un prestacion di kita sombre di e scol di karate.

Di banda di Tamashi Shotokan nan kier a gradici tur e mayornan cu a aporta grandemente na e proyecto aki. Cu trabou duro tur meta desea ta posibel pa alcansa. Un danki na Sensei Robert Silva pa apoya Sr Rosendo y tur e representantenan cu a yuda den esaki. Tambe na Sensei Marvin cu semper a dedica henter su bida na e deporte aki y e medayanan ta simplemente fruto di un trabou duro y dedica checuta cu hopi pasion.

## Atleta Julianne Dorothal a ricibi Academic Excellence Award

**ORANJESTAD –** Recientemente e atleta di atletismo Julianne Dorothal a ricibi un Academic Excellence Award pa su Academic Achievement na Cleveland, Merca.

Esaki sigur ta un tawata un momento hopi special pa Julianne mirando cu el a sali un di Student Athlete cu e miho GPA den su grupo.

Pa algun aña caba Julianne ta bishitando Cleveland State University caminda cu e ta combina su estudio y su deporte cu e ta stima di atletismo. Presente durante e bunita ceremonia aki tabata t'ey presente su kerido mama. Esaki ta segun e fuente Sports Zone aruba.



## Kyle Frankel y su scol Elon a gana Colonial Athletic Association

**ORANJESTAD -** Kyle Frankel a contribui grandemente na e triunfo di su scol Elon den e Colonial Athletic Association

Kyle su victoria tabata crucial unda e ta bin gana den un thriller di tie-break pa despues su compañero dicidi e prome titulo gana pa Elon den e CAA.



## Braynsley Dirksy y Gavin Kock a gana medaya di oro y plata



**ORANJESTAD -** Recientemente e landadonan Braynsley Dirksy y Gavin Kock a logra medaya oro y plata pa Aruba den e Carifta Games na Barbados.

Braynsley cu mainta ta landa e di dos miho tempo den e 200m pecho ta mishi den e gran final net prome cu Gavin Kock cu mainta a domina e prome 185m pero den e ultimo 15m Braynsley ta remata y yega cerca unda ambos ta landa cabes pa e final.. E hoben Dirksy a landa 2.42.94 pa e medaya di oro mientras Kock ta landa 2.43.15 pa e medaya di plata den e 200m pecho 11 - 12 aña.

Esaki ta bira e prome dos medayanan pa Aruba riba e prome dia. evento entre e dos hobennan Arubano



*Parlamentario Marisol Lopez (POR):*

## ‘Informacion riba controlnan di establecimentonan publico ta necesario pa siguridad y higiena di comunidad’

**ORANJESTAD - Siman pasa lider di Fraccion di POR den parlamento, Marisol Lopez-Tromp a manda un serie di pregunta pa ministernan Otmar Oduber, Andin Bikker y Dangui Oduber relaciona cu e controlnan di establecimentonan publico, específicamente restaurantnan, trucknan di cuminda y supermercadonan.**

E parlamentario ta apoya e maneho di e ministernan relaciona cu e controlnan cu ta tumando luga regularmente cu ta contribui na mehora e calidad di e establecimentonan y e confianza di comunidad den nos organonan di control y supervision. Pero na mes momento e ta expresa cu e resultado di e controlnan aki ta crea hopi preocupacion y preguntanan pa cu e higiena, calidad y siguridad cu tin na e establecimentonan aki. Marisol Lopez-Tromp por a lesa den medionan di comunicacion cu di 40 truck di cuminda cu a wordo controla solamente uno ta cumpli cu tur e rekisitonan necesario, un resultado hopi preocupante.

Teniendo na cuenta e resultadonan aki mas esunnan di e controlnan riba restaurantnan y supermercadonan, lider di Fraccion di POR ta haci e siguiente preguntanan na e mandatarionan concerni:

1. Pa loke ta trucknan di cuminda a constata cu solamente 50% di e trucknan controla tin un instalacion di gas gekeur. 92% no tin instalacion di coriente gekeur y 75% no tin un ‘geldig voertuig keuring’. Minister encarga cu DTI tin algun plan of maneho estableci pa atende cu e situacion preocupante aki?
2. Di 75 pa 90% di e food trucknan tin puntonan cu mester drecha cu ta relaciona cu e parti di siguridad di e luga di traha, brandblussers of EHBO kitnan. Con lo bay atende cu e incumplimento di leyman aki?
3. Por compronde for di hefe di servicio di Dienst Technische Inspectie (DTI), Anko Koopmans, cu ta purbando di conscientisa e doñonan di food trucknan pa responsabilisa nan mes y cu lo bay haci otro investigacion den e proximo 3 lunanan. Esaki lo ta uno mas severo y lo wordo haci conhuntamente cu Departamento di Salud. Con mas severo e investigacion aki lo ta y lo bay tin pasonan correctivo den caso cu constata e mesun irregularidadnan?
4. Cuanto tempo lo bay duna e food trucknan pa cumpli cu tur e reglanan stipula pa ley?
5. Lo bay tin boetnan pa esunnan cu no cumpli?
  - a. Si ta asina ki tipo di boetnan lo wordo duna?
6. Den caso cu Departamento di Salud constata irregularidadnan, lo cera e trucknan aki?
  - a. Si ta asina pa cuanto dia esaki lo wordo cera?
  - b. Despues di cuanto tempo lo bolbe controla e establecimentonan cu no a cumpli cu e reglanan di higiena?
7. Pa loke ta control na supermercado y restaurant, den controlnan realisa a constata situacionnan cu ta atenta contra salud publico manera bestia y insectonan, entre otro, djaca, musca y cacalaca. Con e diferente departamentonan ta atende cu e casonan aki?
8. Por constata cu tin establecimentonan cu a wordo cera pa no cumpli cu e leyman estableci na mas cu un ocasion. Con ta atende cu e establecimentonan aki?
  - a. Tin un maneho mas estricto pa nan fuera di e 48 ora cu nan ta wordo cera?
  - b. Cuanto biaha un establecimiento mester wordo cera pa pasonan mas drastico wordo tuma?
  - c. Por yega na e punto unda un establecimiento ta perde su vergunning? Si ta asina na ki momento?
9. Establecimentonan na Aruba sa caba cu cada tanto tempo tin control di diferente instancia y por a scucha cu nan ta prepara un par di siman prome cu nan ta spera e bishita di control. Tin un manera cu e controlnan aki por wordo haci na un manera inespera y hasta mas frecuente?
10. Otro punto importante cu a constata na supermercadonan ta cu nan tin productonan caduca na benta pa

clientenan. Esaki ta wordo constata constantemente na cierto supermercadonan. Ki pasonan adicional por tuma pa minimalisa y hasta elimina e fenomeno aki?

11. E departamentonan concerni tin suficiente personal pa realisa e controlnan necesario?
  - a. Si no ta asina a establece algun maneho pa soluciona esaki?
  - b. Y con lihe por haya un solucion?
12. Tin un manera structural pa informa comunidad riba un base regular cual ta e establecimentonan controla cu ta cumpli y tambe esunnan cu no ta cumpli cu e leyman?

Marisol Lopez-Tromp, a traves di presidente di parlamento a pidi e ministernan concerni pa por fabor contesta e preguntanan aki por escrito. E ta spera cu e por haya e respuestanan mas lihe cu ta posibel teniendo na cuenta e importancia cu esakinan tin pa e siguridad y higiena di nos comunidad.



### JOIN OUR AWARD - WINNING TEAM

Ranked among top 10 Hotels In the World by TripAdvisor  
Featured In top 10 Hotels In the Caribbean by Travel + Leisure

#### EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

#### FIRST COOK / CHEF DE PARTIE

- Exemplify the highest standards of honesty and integrity
- Must be able to cook food to the satisfaction of our guests
- Highly confident in your abilities and detail-oriented
- A team player with excellent communication skills
- Must be able to work all stations like; grill, vegetable, garde manger of our kitchen  
This includes; breakfast, lunch and dinner shifts
- Knowledgeable of international cuisine as well as diet and vegan and vegetarian food
- Ability to speak and read proficient English
- Must be able to delegate to a small kitchen team

#### COST CONTROLLER

- Manage and Control Purchasing and receiving
- Actively control cost, including control par stock, setup and analysis of reporting
- Costs out menus in conjunction with F&B director
- Booking sailing purchasing, requisitions and reviewing discrepancy report
- Conduct month-end inventory
- Close the F&B month transactions and prepare F&B monthly cost
- Control and receive incoming goods

#### PART-TIME BREAKFAST HOST

- Outgoing personality with excellent interpersonal skills
- Team player
- Excellent verbal skills in English
- Good verbal skills in Italian and German is preferred

#### BREAKFAST WAITER

- Waits on dining room guests, obtains order, and serves when food is prepared
- Cleans and sets up assigned tables when guests have departed
- Must maintain work areas and work stations for assigned shifts
- Must be friendly, courteous, quick and efficient in his/ her work
- Must have proven knowledge of service excellence standards
- Good verbal skills in English
- European language skills are preferred

#### WELLNESS EXPERIENCE SUPERVISOR

- Strong leader to create and execute world class wellness experience
- Self-starter with great organizational and project management skills
- Outgoing personality with excellent interpersonal & sales skills
- Passion and interest in health and holistic wellness
- Experience in hospitality, wellness or service related industry
- Nutritional expertise preferred
- Contacts in and knowledge of the local wellness offerings preferred
- Excellent compensation according to experience

Please send your resume by Email: [jobs@bucuti.com](mailto:jobs@bucuti.com) or Fax: 582-5272 or Call: 583-1100 ext 136 for appointment. Before applying, please register at DPL



*Discurso di minister-president, Evelyn Wever-Croes:*

## “A strong and resilient economy 2019-2022”



**ORANJESTAD – Recientemente prome minister Evelyn Wever-Croes a duna su discurso durante e evento di e lansamento di e maneho economico di gabinete Wever-Croes .**

Mienbronan di Parlamentio, Ministernan, Dama y cabayeronan, Bon tardi.

Awe nos ta hunto pa e ocasion importante unda cu nos ta presenta e maneho economico di Aruba. Y mi ta bisa di Aruba pasobra e maneho aki no por wordo implementa sin e cooperacion di henter comunidad . E maneho economico por wordo implementa unicamente cu un cooperacion estrecho entre sector priva y sector publico, pero tambe den cooperacion cu nos sectornan civico y academico. Awe nos ta hunto cu diferente instancianan di sector priva cu desde cu nos a drenta den gobierno a wordo consulta riba cual ta e posibilidadnan cu nan ta mira pa nos dirigi y diversifica e economia di Aruba. Hunto cu boso nos a yega na e vision y liña di maneho pa diversifica nos economia na un forma balansa. P’esey mi ta gradici boso tur pa boso participacion y ta urgi boso pa nos sigui traha hunto pa por realisa e metanan proponi.

Nos vision pa Aruba su desaroyo economico ta amplio y ta dirigi riba algun meta importante. Awe mi lo enfoca riba 6 di e metanan aki.

- 1) Contribui na un miho calidad di bida, pasobra nos tin e ser humano central den nos maneho. Nos vision economico mester pone cu ciudadanonan na Aruba por biba un bida digno y disfruta di un bienestar halto.
- 2) Inclusion, unda nos ta bisa cu e desaroyo economico mester ta pa tur hende, basa riba reglanan y maneho transparente. Nos vision mester brinda e mesun oportunidadnan na tur hende pa trabao cu un pago husto y respetando nan derechonan. Den nos maneho inclusivo nos kier pone atencion special na e empresario social (“social entrepreneurship”).
- 3) Innovacion, sin innovacion nos no por ta competitivo den e mundo di negoshi di awe y di futuro. 75% di mucha cu awe ta bay scol basico ta bay traha den trabounan cu awe no ta existi. Nos tin cu prepara nos hobennan pa e tra-baonan di futuro, hasta pa esunnan cu nos no sa ainda kico tur nan lo ta. Nos tin cu prepara

nos comerciantenan tambe pa por competi den mercadonan cambiante cu cada dia ta mas exigente. Pa mi duna un ehempel: Awe como comerciante bo no ta competi solamente cu e mercado interno, pero tambe cu mercadonan internacional. Esaki kiermen cu nos mester adapta rapido y cu un mentalidad innovativo pa por haci e transicion necesario, e cambio cu ta wordo exige di nos.

- 4) E di 4 meta ta pa nos economia ta uno resiliente, pues no facilmente influencia of afecta pa calamidad. Menos dependencia di un solo pilar, of cu e forsa pa bin bek despues cu otro pilar cay afo. Aruba ta un pais resiliente, nos a demostra esey desde añanan ’80 ora nos por a bons bek di ciere di e refineria, y desaroya e pilar turistico. Aruba ta enfrentando e mesun re-tonan awor, cu e refineria. Mescos cu e tempo ey nos a lanta bek, mi ta convenci cu e biaha aki tambe, pasobra nos tin resiliencia y creatividad den e vision economico aki
- 5) E di 5 meta ta pa stimula inversionnan, tanto local como di exterior, pa por diversifica nos economia. Esaki por ta un caminda largo, pero mi tin confiansa cu hunto nos lo logra. Nos kier stimula tur hende, specialmente nos hoben y hendenan muhe, pa cuminsa nan propio negoshi. Preferiblemente negoshinan den e ar-eanan di e 6 sectornan conoci como “Promising Sectors”. Nos ta consciente di e reto cu nos tin cu e “Cost of Doing Business” y e “Ease of doing business”, y nos meta ta pa trece cambionan grandi den esaki. Ya varios institucionnan di gobierno ta trahando riba modernisa y simplifica nan procesonan. Nos maneho di e-Government ta uno ambicioso y sigur no sin reto. Pero cu pasonan firme y un maneho balansa nos lo logra nos metanan si nos traha hunto. Un di e principionan di nos maneho ta pa pone e servicio na nos ciudadanonan, comerciantenan y inversionistanan central. Imagina bo cu bo no mester para den rij mas pa busca papel di 5 florin, y hib’e otro departamento di gobierno, of si bo por yena bo formulario di belasting na cas via computer, of si bo no mester para de rij mas pa haya bo number di auto. e-Government tambe lo trece mas transparencia den gobernacion y lo yuda combati corrupcion.

- 6) Y e di 6 meta di nos vision economico ta pa logra un desaroyo balansa. Nos no ta papia simplemente di desaroyo economico, no, nos ta papia di desaroyo economico sostenibel y balansa. Kiermen un desaroyo realistico, cu un pais por carga y paga, den cual ta tene cuenta cu tur interes. Interes di nos pais, di e comerciante, di e ciudadano, y di proteccion di nos medio ambiente pa nos futuro generacionnan, poniendo e ser humano central.

Den corto: e vision economico ta dirigi riba crecimiento economico, pero nos meta no ta e crecimiento riba su mes. Nos meta ta e oportunidadnan, e progreso y bienestar cu e crecimiento ey por trece.

Aruba a compromete su mes cu e 17 metanan sostenibel di Nacionnan Uni pa crea un miho mundo na aña 2030. Y nos vision economico, nos maneho economico, ta dirigi pa stimula pa nos alcanza e metanan aki pa 2030. E maneho economico cu nos ta presenta awe ta pa 2019 - 2022 y ta e simia cu NOS ta planta awe pero cu lo transcende pa 2030 y despues.

Den cuadro di bon gobernacion y un maneho responsabel, ta importante tambe pa menciona cu gobierno di Aruba ta preparando un Plan Nacional Strategico, “Nos Plan, Nos Futuro”, cu ta basa riba e metanan sostenibel di Nacionnan Uni unda cu innovacion ta un liña cora y e motor principal. Prome cu mi finalisa, mi kier a haci un apelacion special na sector priva, sector academico y sector civico: pa nos traha den cooperacion cu sector publico pa realisa e metanan di e maneho economico. Y en particular nos sector priva, boso por haci e diferencia y contribui grandemente na e diversificacion di nos economia. Y mi ta compromete na boso cu gobierno lo facilita e caminda pa boso.

Mi ta felicita minister di Financia, Xiomara Ruiz-Maduro cu e vision aki. Ta prome biaha den historia di nos pais cu un gobierno ta presenta un vision prepara conhuntamente cu stakeholders.

Mi ta gradici specialmente director di Departamento di Asuntonan Economico, Maria Dijkhof-Pita, y henter e departamento pa nan esfuerso den presenta e producto aki. Mi sa cu mi a bira hopi impaciente, y mi disculpa si mi ta pone mucho presion, pero e resultado final ta hopi bon. Un danki tambe na tur esunnan cu a duna nan contribucion pa nos a logra presenta nos vision economico, sin lubida colega ministernan pa nan cooperacion.

Dama y cabayeronan, nos vision economico 2019-2022 no ta solamente di crecimiento economico, pero mas bien di crecimiento di calidad di bida di nos ciudadanonan.





Segun Parlamentario Hendrick Tevreden (MEP)

## Gobierno por cumpli cu reduccion di edad di pensioen

**ORANJESTAD** - Evaluando e contenido di e manifiesto cu a wordo entrega na final di e marcha organisa pa partido di oposicion (AVP), parlamentario Hendrick Tevreden (MEP), ta haya straño cu nan ta existi pa cumpli cu bahamento di edad di pensioen, mientras nan mes a aumenta edad di pensioen.

E ta kere cu e tema di edad di pensioen ta un di e puntonan cu sigur partido MEP por cumpli cu nan.

Encuanto e promesa cu a wordo haci durante eleccion ultimo, y e falta di cumplimiento di algun di nan di parti di gobierno (MEP-POR-RED), parlamentario Tevreden a indica cu tur locual MEP a presenta den e plan di gobernacion 'nos por substancia esaki y bisa con nos lo por logr'e'.

E ta admiti cu berdad nan a priminti di goberna sin medida, pero e punto di salida tabata cu gobierno lo conoce un

surplus ora nan a drenta gobernacion. Sinembargo esaki no tabata e caso, el a laga sa. Mas bien nan a haya un deficit di alrededor di 130 miyon florin.

E ta haya cu como gobierno cu a drenta nobo, nan a bin confronta un estado di 130 miyon di deficit. Solamente den proyecto manera Green Corridor, Watty Vos Boulevard tin alrededor di 80.9 miyon, cu mester wordo paga y cu e gobierno anterior nunca a presupuesta.

Pues el a agrega cu nan gobierno no tabata premira un deficit, y un debe asina, ya cu gobierno anterior a proclama cu tur cos tabata den ordo. Esaki a demanda cu nan mester bin cu e pasonan of medidanan cu a wordo tuma.

Pa e miembro di Parlamento, e asunto di cumplimiento of no di loke nan a priminti den eleccion, por bira un discusion cu nan por tin riba dje. E no ta haya algo malo pa debati riba e puntonan ey.



Parlamentario Endy Croes (MEP):

## 'Proyecto Bus di Alegria ta algo sumamente bunita y di aplaudi'

**ORANJESTAD** - Parlamentario Endy Croes ta felicita Gabinete Wever-Croes, pero particularmente Minister Glenbert Croes, cu e bunita proyecto Bus di Alegria.

Kico e proyecto aki ta encera? Bureau di Minister di Asunto Social y Labor Sr. Glenbert Coes a inicia e proyecto aki desde 2018, unda un bus ta pasa busca muchanan di mesun barío y ta hiba nan scucha y conoce baluartenan di e barío. Rochi Geerman y Darlaine Erasmus, entre otro, ta e motornan tras di e proyecto aki.

Dialuna siman pasa sinembargo a haci un invitacion special na SVGA, bao di e nomber 'Bus di alegria cu nos amigonan special', unda a involucra nos muchanan special di SVGA (Stichting voor Verstandelijk Gehandicapten) den e proyecto aki. Un total di 8 bus a busca mayoria di nos amigonan special na cas Sjabururi, Scol Duna un Man, Bibito Pin, Man na Obra y Briyo di Solo. Hunto tur a sali di Briyo di Solo escolta pa polis rumbo



pa San Nicolas. Bureau di Minister Coes a prepara un programa special pa nos amigonan. Bus di Alegria cu nos amigonan a recore Aruba y a termina na Parke Curason Jaburibari. Bao di e afdak di basketball court tabata tin un banda y dos MC cu ful un programa prepara pa nos amigonan

di SVGA.

Na yegada Minister Presidente Evelyn Wever-Croes y Minister Glenbert Coes, acompaña pa Palamentarionan Shailiny Tromp Lee, Hendrik Tevreden, Edgard Vrolijk y boso sirbido Endy Coes, a saluda y brasa mayoria

di nos amigonan di SVGA, kendenan tabata super contento. Despues, tanto Wever-Croes como Tromp-Lee a hiba palabra, habriendo e pista di baile pa e fiesta cuminsa. E banda tabata Los Laga Bay, y tabata un placer pa por a baila y gosa cu nos amigonan di SVGA. Nan a gosa un bol. Tambe a reparti diferente premio entre nan. E alegria tabata notabel riba nan cara, y esaki a yena nos tur cu satisfaccion inexplicable. Alabes a percura pa tur a ricibi un cuminda y refresco.

Danki na e bon cooperacion di Director di SVGA Sra. Els van Homelen, pero tambe tur Leidsters, juffrouwnan y Lidernan di tur e scolnan. Mas cu claro danki na Rochi Geerman y Darlaine Erasmus un biaha mas. Danki na Gabinete Wever-Coes y sigur Minister Glenbert Coes, cu ta haci e proyectonan aki posibel. Parlamentario Endy Croes a termina bisando el a keda masha impresionado cu un sentimiento di amor y cariño cu nos por a comparti cu nos amigonan di SVGA. E hende pa nos ta central!





*Minister Xiomara Ruiz-Maduro:*

## ‘Pa prome biaha Aruba tin un maneho economico integral traha cu participacion di sector priva y gubernamental’



**ORANJESTAD – Minister sra. Xiomara Ruiz-Maduro den presencia di Minister Presidente sra. Evelyn Wever-Croes, algun miembro di Parlamento, colega Minister y invitadonan di sector priva y sector publico, a presenta e Maneho Economico 2019 -2022.**

Durante e presentacion, Minister di Finansa, Asuntonan Economico y Cultura a remarca cu ta pa prome biaha gobierno tin un Maneho Economico integral, cu a wordo traha cu participacion di sector priva y varios departamentonan di Gobierno. Ruiz-Maduro a splica ta cu cooperacion di e dos sectornan aki a identifica e seis Sectornan Prometedor pa diversifica nos economia. E mandatario a elabora riba e Sectornan Prometedor. Alabes Ruiz-Maduro a enfatisa cu Gobierno ta reconoce e preocupacionnan di sector priva, y e rol di sector priva tin den e desaroyo economico sostenibel. Gobierno su rol ta di facilita e sector priva, y sector priva ta esun cu ta realisa e desaroyo.

Prome Minister sra. Evelyn Wever-Croes tambe a dirigi su mes na e publico presente, bisando ‘awe ta un dia special, ya cu ta danki na cooperacion estrecho entre sector priva, sector publico den cooperacion cu sectornan civico y academico, cu awe Gobierno por presenta un Maneho Economico pa nos Pais Aruba’. Wever-Croes a elabora riba e metanan importante di e vision economico, y a remarca cu e meta di vision economico ta dirigi riba crecimiento economico, ‘pero nos



meta no ta crecimiento riba su mes’. “Nos meta ta e oportunidadnan, e progreso y bienestar cu e crecimiento ey ta trece”, e mandatario a expresa. Wever-Croes a remarca cu e Maneho Economico ta dirigi riba un Maneho Economico Sostenibel; esaki den cuadro di e 17 metanan sostenibel di Nacionnan Uni cual Aruba a compromete cune.

Durante e presentacion di e Plan Integral di e Maneho Economico, tres empresario cu ta pertenece na e Sectornan Prometedor a haci un presentacion cortico di nan negoshi. Den parti di Sector Prometedor di Industria Creativo, a papia sra. Joanne Dirksz di Cosecha. Den e parti di Agricultura sr. Gregory Fung-A-Fat di United Farmers Aruba a hiba palabra. Y den e sector di cu Economia di Crecimiento Sr. Diego Acevedo a duna un splicacion cortico tocante di su compania di Bluerise. Tur presente a ricibi un copia di e Maneho Economico. Tambe tabata tin oportunidad pa cera conoci cu e productonan di Cosecha y United Farmers Aruba. Alabes tabata presente e funcionarionan di e Plan Strategico Nacional: Nos Plan, Nos Futuro cu a duna informacion tocante di e Plan Strategico Nacional.

Ruiz-Maduro a remarca cu pa realisa e metanan y e vision di e Maneho Economico, Gobierno mester di sosten di tanto sector priva y sector gubernamental. Sector priva y sector publico mester traha man den man pa nos logra nos desaroyo economico sostenibel. E mandatario a gradici tur esunnan cu a participa den e tayernan, e funcionarionan di Departamento di Asuntonan Economico, su conseheronan y colega Minister di Gabinete Wever-Croes.



# Trekkingslijst van de Landsloterij

7de Trekking																											18 april 2																										
		2094	150	4414	150	6614	150	8431	150	10614	150	12639	150	15060	200	17260	125	19498	150	21611	150	23714	150	25990	150	27823	250	DUIZEEND		32173	150	34128	100																				
EEN		2095	150	4423	150	6616	150	8460	125	10628	100	12660	125	15089	150	17261	150	19514	150	21614	150	23719	150	-----		27824	250	-----		32192	150	34160	125																				
HEEDEN		2114	250	4428	100	6620	150	8482	150	10660	125	12692	150	15111	150	17314	150	19520	150	21620	150	23728	100	ZES EN		27825	250	30014		150	32214	150	34181	150																			
		2115	150	4444	150	6625	150	8493	150	10662	150	12714	150	15114	250	17328	100	19528	100	21628	100	23760	125	TWINTIG		27825	150	30028		100	32219	150	34191	150																			
6		150	2128	100	4448	150	6628	100	8496	150	10714	150	12728	100	15127	150	17349	150	19529	150	21656	150	23787	150	DUIZEEND		27826	250	30060		200	32228	100	34214	150																		
		2129	150	4460	125	6660	125	8498	150	10715	150	12760	125	15128	100	17360	125	19560	125	21660	125	23814	150	-----		27826	150	30060		200	32243	150	34228	100																			
TIEN		2213	150	4474	150	6672	150	8514	150	10728	100	12760	150	15149	150	17361	150	19579	150	21661	150	23823	150	26006		150	3DE		30127	150	32260	125	34229	150																			
TALLEN		2214	150	4476	150	6714	150	8517	150	10760	125	12771	150	15158	150	17370	150	19593	150	21675	150	23828	150	26014		150	PRIJS		30128	100	32267	150	34232	150																			
		2228	100	4483	150	6723	1000	8520	150	10778	150	12773	150	15160	125	17394	150	19614	150	21678	150	23839	150	26028		100	*****		30160	125	32285	150	34252	150																			
14		150	2240	150	4514	150	6728	100	8526	150	10812	150	12775	150	15161	150	17399	150	19623	150	21679	150	23860	125	26051		150	27827		1000	30160	150	32294	150	34260	125																	
16		150	2260	125	4528	100	6760	125	8528	100	10814	150	12806	150	15171	150	17409	150	19628	100	21690	150	23902	150	26060		200	27828		30175	150	32311	150	34314	150																		
28		100	2314	150	4534	150	6795	150	8536	150	10816	150	12814	150	15214	150	17410	150	19644	150	21704	150	23909	150	26068		150	27829		30191	150	32314	150	34328	100																		
46		150	2316	150	4553	150	6814	150	8537	150	10825	150	12828	150	15219	150	17414	150	19647	150	21714	150	23914	150	26086		150	27829		30205	150	32328	100	34336	150																		
60		200	2320	150	4560	125	6828	150	8555	150	10828	150	12860	125	15228	100	17425	150	19651	150	21719	150	23928	100	26088		150	27830		30209	150	32330	150	34353	150																		
62		150	2328	100	4608	150	6860	125	8560	125	10834	150	12914	150	15248	150	17428	100	19660	125	21720	150	23945	150	26106		150	27848		30213	150	32360	125	34354	150																		
89		150	2360	125	4614	150	6901	150	8614	150	10849	150	12922	150	15260	125	17440	150	19665	150	21728	100	23960	125	26111		150	27860		125	30214	150	32388	150	34360	125																	
		2363	150	4628	100	6902	150	8625	150	10860	125	12928	100	15280	150	17460	125	19714	150	19674	150	23971	150	26114		250	27887		150	30228	100	32404	150	34370	150																		
HONDERD		2414	150	4660	125	6903	150	8628	100	10865	150	12928	150	15304	150	17476	150	19728	100	21760	125	23998	150	26128		100	27895		150	30260	125	32414	150	34375	150																		
TALLEN		2428	100	4672	150	6914	150	8660	125	10898	150	12936	150	15308	150	17479	150	19739	150	21798	150	24000	150	26135		150	27914		150	30314	150	32414	150	34414	150																		
		2429	150	4673	150	6928	100	8687	150	10901	150	12960	125	15314	150	17514	150	19760	125	21804	150	24018	150	26160		125	27928		100	30323	150	32428	100	34422	150																		
114		250	2431	150	4714	150	6941	150	8714	150	10914	150	12977	150	15324	150	17521	150	19770	150	21814	150	26206		150	27933		150	30328	100	32429	150	34428	100																			
128		100	2460	125	4727	150	6942	150	8728	100	10928	100	-----	-----	15328	100	17528	100	19784	150	21828	150	26214		150	27952		150	30336	150	32454	150	34441	150																			
135		150	2470	150	4728	100	6960	125	8731	150	10951	150	-----	-----	15338	150	17560	125	19814	150	21860	125	26217		150	27960		125	30338	150	32460	125	34460	125																			
138		150	2514	150	4733	150	6978	150	8755	150	10954	150	-----	-----	15360	125	17611	150	19828	150	21913	150	26228		100	27968		150	30348	150	32477	150	34463	150																			
160		125	2528	100	4760	125	-----	-----	8760	125	10960	125	-----	-----	15363	150	17614	150	19847	150	21914	150	26229		150	27968		150	30360	125	32489	150	34471	150																			
214		150	2560	125	4790	150	-----	-----	8814	150	-----	-----	13014	150	15370	150	17624	150	19860	125	21928	100	26242		150	27968		150	30372	150	32496	150	34486	150																			
228		100	2578	150	4814	150	-----	-----	8828	150	-----	-----	13027	150	15412	150	17628	100	19868	150	21948	150	26252		150	27968		150	30372	150	32514	150	34501	150																			
246		150	2584	150	4828	150	-----	-----	8831	150	-----	-----	13028	150	15414	150	17634	150	19874	150	21950	150	26260		125	27968		150	30372	150	32514	150	34514	150																			
260		125	2614	150	4860	125	7014	150	8838	150	-----	-----	13031	150	15428	100	17660	125	19928	100	21960	125	26275		150	27968		150	30																								



## Women's Club of Aruba ta anuncia su AIDS Candlelight Memorial 2019

**ORANJESTAD - Women's Club of Aruba (WCA) ta organisa e conmemoracion di "The International AIDS Candlelight Memorial", na Papiamento "E Vigilla Internacional di AIDS" cu un caminata di bela. Esaki lo tuma luga riba diadomingo dia 19 di mei di 5:00-7:00pm y lo sali for di Linear Park, na Oranjestad.**

WCA ta remarca cu e vigilla lo marca e di 36 aniversario di e evento basa riba HIV/AIDS, esun mas grandi di mundo. E aña aki, e tema mundial di e vigilla ta: "Ban intensifica e lucha pa salud y e derechonan di e personanan bibando cu HIV", pa trece na e atencion mundial e derechonan fundamental di e personanan bibando cu e virus di HIV.

E Vigilla Internacional di AIDS 2019 ta recorda nos, cu nos mester yuda esunnan mas afecta pa e epidemia di HIV, pa nan sigui cu nan lucha pa nan derechonan fundamental di salud y pa un bida digno.

Nos mester sigui lucha pa nan derecho di haya e tratamento necesario pa nan malesa, y apoya nan pa caba cu e discriminacion y stigma cu ta sigui stroba e personanan aki di tin un bida feliz y productivo.

Nos no mester lubida, cu e miho manera pa combati e plaga moderno di HIV, ta pa medio di conscientisacion. Si nos poblacion ta consciente, nan mes lo haci un test di HIV y tene e precaucion necesario, ora di tene relacion sexual of laga haci un tattoo. E conocimiento lo hiba na pre-

vencion y e speransa di por caba cu e malesa aki.

Ta p'esey riba diadomingo 19 di mei 2019, pa 5:00pm, tur participante lo reuni na Linear Park y pa 5:30pm, nos tur hunto lo cana di Linear Park pa Renaissance y despues bek pa Linear Park. Despues di e caminata pa 7:00pm, lo tuma luga e ceremonia pa conmemora esunnan cu a fayece door di e virus di HIV y pa duna forza y speransa na esunnan cu ta bibando cu HIV y na nan famia.

E prijs pa participa na e caminata ta Awg. 10.00 pa persona y ta inclui un T-shirt, awa y na final un fruta.

Tambe lo bay tin un box disponibel pa haci donacion, pa asina nos yuda recauda fondo pa e campaña di prevencion contra HIV/AIDS.

## Cliente mester traha cita pa pidi permiso pa negoshi na DEZHI

**ORANJESTAD - Departamento di Asunto Economico, Comercia y Industria (DEACI) a introduci un website nobo, [www.deaci.aw](http://www.deaci.aw). Aki tur persona por haya informacion di e servicionan cu e departamento ta brinda y tambe otro informacion riba e tereno di economia y comercio en general.**

Pa lora ta trata e seccion pa permiso pa negoshi (Business License/Vestiging van Bedrijven), nos ta informa cu desde februari 2019, nos ta atende cliente solamente cu tin cita cu ta busca of kier ricibi informacion, pa entrega un peticion of pa pidi copia di un permiso.

Riba e siguiente dianan: dialuna – diamars – diahuebs y diabierna ta atende tur cu tin cita traha. Si no a traha cita, bo persona lo no haya servicio.

### Ki ora no mester di un cita?

Diaranson nos ta atende publico parti mainta 08:00 – 11:30 A.M.

Tene cuenta cu nos ta atende un cantidad limita di persona y solamente 1 peticion pa persona. Diaranson merdia nos no ta atende publico.

Pa busca un permiso cu ta cla caba por pasa directamente na oficina nr. 21.

Orario pa busca un permiso ta di 08:00 – 11:30am y 1:30 – 4:00pm. Corda pa busca copia mester traha un cita. Diaranson durante oranan di merdia nos ta cera.

Mester traha tur cita via nos website [www.deaci.aw](http://www.deaci.aw) riba e scherm "Makeanappointment"



STICHTING VOOR VOLKSHYGIENE VAN  
**Het Wit Gele Kruis Aruba**

Sinds 1959 ten dienste van de Arubaanse gemeenschap  
Postbus 488, Oranjestad

Cu inmenso tristeza na nos curazon, directiva, staff y personal ta participa fayecimento di:

**Sr. Jose Antonio (Tony) Rangel**

Tata di nos miembro di directiva sra. Melina Rangel

Nos ta extende nos mas profundo condolencia na demas famianan y hopi forza den e momentonan dificil aki.

Cu Tony drumi dushi den brasa di Señor.

**FOR ALL YOUR FLYER  
DISTRIBUTIONS**



**Call: 582-7800**  
**email: [accounting@cspnv.com](mailto:accounting@cspnv.com)**



Serca Dios mi alma ta na paz, ta di dje mi salbashon ta bini. Salmo 62

A fayece cristianamente na e bunita edad di 90 aña



**Sr. Pantaleon (Adi) Engelhart**

27 juli 1928/+17 April 2019

Na nomber di su:

Esposa: Maria Engelhart-Bermudes

Yuinan:

Willem (Theo) & Yraida Engelhart-Calero Diaz

Wilhelmina (Lenny) Engelhart

Jane Boekhoudt-Engelhart & Adrian

Johan (Tommy) & Hyacinta Engelhart-Figaroa

Eduard & Mariette Engelhart-Boekhoudt

Nieto(a)nan: Ricky, Natasha, Junior

Anaika & Anoushka

Anthony & †Tamara

Luis-Eduardo & Christopher

Bisa nieto(a)nan: Jadon, Alysha

Raven, Argyle, Rigly, Auryn

Kyle, Jessie

Ruman nan:

†Mitsia Baranco-Engelhart y famia

†Otmar Engelhart y famia

†Edgar Engelhart y famia

Imelda Polsbroek Engelhart y famia

Olga Muller-Engelhart y famia

Gladys Craanberg-Engelhart y famia

Stanley Engelhart y famia

Richard Engelhart y famia

Gerda Braaf y famia

Henk Braaf y famia

Swa & cuñanan: †Candida Bermudes

Tina Bermudes

†Hendrik Bermudes

Annie Bermudes

Asistente nan personal: Sandra Esser, Emilienne

Baarrh, Sara Rigot & Magriet Geerman

Danki special na su dokter cas Dr. Essendaal y team, team di Witgele kruis, personal di Horacio Oduer ICU, piso 2 (niet snijdend), piso B4.

Sobrin(a)nan, primo(a)nan y demas famia:

Engelhart, Braaf, Bermudes, Calero Diaz,

Boekhoudt, Figaroa, Winterdaal, Gomez, Kokx,

Van der Horst, van der Wijk, Barranco, Paula,

Polsbroek, Muller, Craanberg, Donato, Boutelle,

Petrona, Dijkhoff, Van der Horst, van der Wijk,

Kock, Heyde, van Heyningen

Amigo- & bisiña nan

Ta invita pa e acto di despedida cual lo tuma lugar

na Aurora Funeral Home diamars 23 di april di 2 pa 4or atardi. Cremashon lo tuma lugar despues.

Nos ta lamenta cu despues di entierro nos no ta ricibi bishita di condolencia na cas.

Nos disculpa si den nos dolor nos por a lubida di menshona algun famia.





Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 21 Apr 2019 Merdia

<b>CATACHI</b>
Sorteo # 2540
<b>7485</b>
<b>7937</b>
<b>1180</b>
<b>BIG 4</b>
Sorteo # 2540
<b>5355</b>
<b>1OFF</b>
Sorteo # 596
<b>8379</b>
<b>ZODIAC</b>
Sorteo # 2540
<b>6944</b>
<b>Sagitario</b>
<b>KORSOU</b>
Sorteo #

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>130.000,-</b>

<b>LOTTO IN DIA</b>	<b>03-09-13-18-28</b>
Sorteo # 4742	Proximo Jackpot
0 x Jackpot	
3 x Match 4	
93 x Afl. 8,00	<b>56.000,-</b>

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	<b>270.000,-</b>

<b>MINI MEGA PLUS</b>	<b>Afl. 370.000,-</b>
-----------------------	-----------------------



DIARIO

*CLOSED*

SUPER 4

*CLOSED*

Sto. Domingo

8085-4417-8199

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 20 Apr 2019 Anochi

<b>CATACHI</b>
Sorteo # 6762
<b>0327</b>
<b>9975</b>
<b>7528</b>
<b>BIG 4</b>
Sorteo # 5806
<b>3508</b>
<b>1OFF</b>
Sorteo # 511
<b>6980</b>
<b>ZODIAC</b>
Sorteo # 4565
<b>7880</b>
<b>Tauro</b>
<b>KORSOU</b>
Sorteo #

<b>LOTTO 5</b>	<b>06-09-12-14-17</b>
Sorteo # 1994	Joker 23 Letter I
0 x Jackpot	
1 x Match 4+	
5 x Match 4	
143 x Afl. 12,00	<b>130.000,-</b>

<b>LOTTO IN DIA</b>	<b>04-09-19-25-27</b>
Sorteo # 4741	Proximo Jackpot
0 x Jackpot	
6 x Match 4	
111 x Afl. 8,00	<b>55.000,-</b>

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	<b>270.000,-</b>

<b>MINI MEGA PLUS</b>	<b>Afl. 370.000,-</b>
-----------------------	-----------------------



## Aries

Awe ta bay ta e dia di exito pa bo y lo bo alcanza un di bo metanan, habri bo curason y pone bo curason na bo proyecto. Bo number di suerte ta : 1, 8, 28, 21, 9, 41



## Tauro

Awe bo energia Astral ta alcanza un otro energia den perspectiva. Un cambio drastico ta faborabel awe unda amor salud y placa ta briya den bo caminda Tauro. Bo number di suerte ta: 10, 9, 29, 22, 2, 42



## Geminis

Awe bo ta den un ambiente cu bo ta bay sinti cu abo mes ta doño di universo un positivismo exitoso ta habri pa bo Geminis planifica bon bo pasonan. Bo number di suerte ta: 3, 10, 30, 23, 11, 43



## Cancer

Bo ambicion pa alcanza exito ta haci cu bo ta perde hopi amistadnan sea mas amical y laga e weg di placa awe cancer. Bo number di suerte ta; 12, 11, 31, 24, 4, 44



## Leo

Awe ta bay ta un dia di adelanto importante den bo bida esaki ta relaciona ariba exitonan profesional, Habri bo wowo bon y no sea ambicioso. Bo number di suerte ta: 39, 12, 32, 25, 5, 45



## Virgo

Awe ta un mal dia pa bo pidi un aumento di salario demostra bo capacidad y profesionalismo den bo trabou y lo bo mira cu lo bo haya e aumento cu tanto bo ta desea. Bo number di suerte ta: 7, 13, 33, 26, 6, 46



## Libra

Awe bo energia astral ta na bo banda unda e ta trece cun'e un cambio drastico pa bo bida un amor ta bati na bo porta. Bo number di suerte ta :3, 14, 34, 27, 7, 1



## Scorpio

Awe ta un bunita dia pa bo Scorpion mirando cu bo ta drentando un fase di amor unda porfin bo ta conoce e persona cu ta bay ta cu bo pa semper sea cauteloso pasobra tin hopi envidia ariba bo scorpion. Bo number di suerte ta: 32, 15, 35, 28, 8, 2



## Sagitario

Ta momento pa planifica un algo nobo pa bo bida un areglo den bo cas, cambia e color di bo cas pa un color bibo ta recomendabel un color berde menta cu ta significa presa. Bo number di suerte ta : 2, 16, 36, 29, 9, 3



## Capricornio

Awe ta un dia unda cambionan grandi pa bo lo tuma luga awe y esey ta trece un cambio di energia pa bo lo bo sinti bo mes malo awe, no preocupa bo pasobra e ta pasahero. Bo number di suerte ta: 30, 17, 37, 36, 10, 4



## Aquario

Awe bo ta bay sinti un amor inmenso pa bo pareha, e alimentacion planetario ta trece e forza di amor pa bo awe Acuario esaki ta significa cu bo pareha ta stima bo mescos cu abo ta namora. Bo number di suerte ta : 26, 18, 38, 31, 11, 5



## Pisces

E figurativo celestial di awe ta pidiendo pa bo concentra den bo salud y den bo bida diario, esaki ta pa trece un ritmo nobo den bo bida y e cambio pa bo futuro yena di sabiduria. Bo number di suerte ta : 44, 19, 39, 32, 12, 6





### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

### Fundacion Hende

Muhe den dificultad  
Tel: 583-5400

### Fundacion Autismo Aruba

Irenestraat 21 Aruba  
297-588-1179

### Fundacion Pa Nos Muchanan

Cumana 2 Aruba  
297-583-4247

### Fundacion Tel Pa Hubentud

Wilhelminastraat 19 Aruba  
297-588-6138

### Koningin Wilhelmina Fonds

Spinozastraat 9 Aruba  
297-582-0412

### Mary Joan Foundation

Sabana Blanco 8 Aruba  
297-588-9999

### Ned Rode Kruis

Perdo Gallegostraat 14 Aruba  
297-588-3376

### Famia Planea (SBVO)

Avenida Milio J Croes 17 B Aruba  
297-588-9591

www.famiaplanea.org  
famiaplanea@hotmail.com

### Stichting Fundacion Guia Mi

George Madurostraat 34  
297-582-0088

### Y M C A

Calbasstraat 1 Aruba  
297-582-3072

### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081

### A1 Taxi Services Aruba

Italiestraat 50 lokaal 7  
Tel: 587-8850

Tel: 280-2828

Whatsapp: 592-7024

E-mail: a1taxiservices.

aruba@hotmail.com

### Mobility Equipment Hire

Tel: 568 5165

## Dokter na warda



### Oranjestad

Hospital  
7:00 pm / 10:00 pm

### San Nicolas

IMSAN  
24 ora

## Botica na warda

### Oranjestad:

Sta. Cruz Tel. 585 6890

### San Nicolas:

San Nicolas Tel. 584 5712

## SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



## Schedule april 2019

			ARR	DEPT	BERTH
MON	22	REGATTA	12:00	22:00	B
		CARNIVAL SUNSHINE	13.00	22.00	C
TUE	23	-			
WED	24	FREEWINDS	06.00	****	E
THU	25				
FRI	26				
SAT	27	FREEWINDS - DEPT.	****	23.15	E
SUN	28				
MON	29				
TUE	30	PACIFIC PRINCESS	09.00	18.00	C

## EMERGENCIA

911

### POLIS

Oranjestad 100

San Nicolas 104

Santa Cruz 105

Noord 107

Tip Line 11141

Brandweer 115

Ambulance 911

Hospital 527-4000

Imsan 524-8833

Warda Costa 913

Seguridad Nacional 11911

Cruz Cora 582-2219

Aloe 584-4606

4 Centro Medico 584-5794

Central 585-1965

Dakota 588-7364

Del Pueblo 582-1253

Eagle 587-9011

Kibrahacha 583-4908

Maria 585-8145

Di Servicio Noord 586-4606

Oduber 582-1780

Paradera 588-6638

San Lucas 584-5119

San Nicolas 584-5712

Santa Anna 586-8181

Santa Cruz 585-8028

Sero Preto 584-4833

Trupial 583-8560

## UTILIDAD

Setar 117

Web 525-4600

Elmar 523-7147

## FUNERARIA

Aurora 588-6699

Ad Patres 584-2299

Olive Tree 584-8888

Royal Funeral H. 586-4444

## Centrale Bank van Aruba

Daily Exchange Rates - 04/17/2019



CENTRALE BANK VAN ARUBA

Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.31	1.33	1.35
CHF	176.31	177.03	177.83
GBP	2.26	2.31	2.37
JPY	157.63	159.07	160.67
EUR	199.64	201.46	203.49
DKK	26.00	26.72	27.52
NOK	20.01	20.73	21.53
SEK	18.27	18.99	19.79

For amounts up to Afl. 100,000



## Pronostico di Tempo

Un aviso pa boto chikito specialmente pa costanan parti oost te noordwest y generalmente lama habri ta na vigor te diamars mainta 6'or...

### Tempo:

Levemente te parcialmente nubia cu localmente un awasero Temperatura maximo 32 grado Celsius temperatura minimo 26 grado Celsius. Bahada di solo : 6:53pm subida di solo : 6:23am.

### Biento:

Modera te bastante fuerte for di direccion oost; forsa 4 te 5 (20 te 39 km/ora, 11 te 21 nudo) den dia fuerte te posiblemente duro den rafaga; forsa 6 te 7 (40 te 61 km/hr, 22 te 33 nudo).

### Situacion general di tempo:

Humedad den nivelnan mas abou di atmosfera a aumenta un poco y esaki por pone localmente un awasero desaro. Esaki principalmente den oranan di marduga y



mainta.

### Condicion di lama:

Olanan di lama lo ta for di direccion oost cu haltura di 3 te localmente 5 pia. Un aviso pa boto chikito especialmente pa costanan parti oost te noordwest y generalmente lama habri lo ta na vigor te mañan mainta 6'or.

## Kiwanis Club of Palm Beach ta anuncia su di tres Nostalgia Party



**ORANJESTAD -** Pa di tres aña consecutivo, Kiwanis Club of Palm Beach lo bay organisa su Nostalgia Party. Un fiesta cu lo bay hiba bo bek den tempo. Recordar es vivir. Pa e fiesta di e aña aki, nos lo bay tin tres banda y un DJ legendario.

Esaki nan lo bay Super Mania, The Tramps, y e sorpresa di ultimo dos añanan, The Kiwanis Band. The Kiwanis Band ta un banda cu ta toca durante eventonan di Kiwanis y ta consisti di miembronan di clubnan di Kiwanis riba e isla di Aruba. Alabes lo bay tin DJ Edson tambe den cas cu lo bay delita e publico cu tur e hitsnan di e decadan 70 y 80. E fundraising aki lo bay tuma luga 4 di mei, 2019 na e Renaissance Convention Center y lo ta cuminsando for di 8'or di anochi te cu 1or di marduga. Importante pa nota cu e enfoka di e Nostalgia Party lo bay ta un proyecto local cu enfoka riba nos muchanan.

E prijs pa entrada lo ta 75 florin pa persona y e fiesta lo inclui un cash bar & snacks. Tambe lo bay tin varios doorprizes cu lo bay wordo reparti durante e anochi aki. Tambe importante pa remarca cu nos lo tin suficiente stoel y mesanan pa tur hende por sinta, gosa, y baila. Ticketnan lo ta available cerca tur miembronan di Kiwanis Club of Palm Beach of por pasa libremente na Deals on Wheels (Thrifty), na Optica Oduber & Kan, Precious Anardey y Masy-Fral. Pues si bo ta cla pa bay bek den tempo y rebiba tur e dushi temponan di a añanan 50s, 60s y 70s, esaki ta e fiesta pa bo

Pa mas informacion di Kiwanis Club of Palm Beach bishita nos webpage na [www.kiwanispalmbeach.com](http://www.kiwanispalmbeach.com) of nos Facebook fan page na <https://www.facebook.com/kiwanispalmbeach>.

## DTI ta informa pueblo cu nan ta cera

**ORANJESTAD -** Dienst technische inspecties ta bay celebra su dia di siguridad y salud diabierna 26 di april 2019. Esey ta nifica cu e voertuigkeuring, afspraak y otro departamentonan ta bay ta cera henter dia.

E siman despues, diabierna 3 di mei 2019, voertuig keuring y afspraak ta cera pa mita dia y ta cuminsa bek pa 13:00 (1'or di merdia).

DTI ta pidi di antemano comprension pa cualkier inconveniencia cu esaki por trece cu e dianan cu nos ta cera.

Pa mas informacion por yama 5845300. Si tin emergencia (p.e. arbeidsongeval) riba e dianan aki, yama 5937922 of si mester haya contact cu DTI urgente por fabor yama 5933796.

Tambe nos kier ta sugeri pa sigui nos riba FACEBOOK, Dienst Technische Inspecties, pa mantene pueblo na altura di nos servicionan.

## Ceramento di caminda di Sero Pita en conexion cu asfaltamento

**ORANJESTAD -** Departamento di Obra Publico ta informa pueblo di Aruba en general y specialmente nos automobilistan cu ta haci uzo di e caminda Sero Pita, cu diamars dia 23 di april 2019 te cu 10 di mei 2019 lo bay cer'e parcialmente pa nos cuminsa cu trabounan preparativo y despues asfalta e caminda.

Trabounan preparativo lo cuminsa diamars 23 di april 2019 y nos lo asfalta e prome fase dialuna dia 29 y diamars 30 di april 2019.

Fase 2 ta cuminsa cu trabounan preparativo diamars dia 2 di mei 2019. Lo asfalta dia 9 y 10 di mei 2019. E caminda cu lo asfalta lo ta di Sero Pita 45k te cu Sero Pita 48c.

Ruta alternativa lo keda indica cu borch y baricadanan di aviso y e orario di ceramento lo ta di 8'or di mainta pa 4'or di atardi.

En conexion cu e trabounan menciona Departamento di Obra Publico ta pidi pa tene cuenta cu e inconveniencia cu lo por surgi pa cual nos ta pidi nos disculpa.

**Caribbean Cinemas**  
Años. Years. Années.

**PH** VIP At Paseo Herencia  
582-3693

**PBP** Palm Beach Plaza Mall  
586.0074

caribbeancinemas.com

Caribbean Cinemas Aruba

**APRIL 18-24**

LINDA CARDELLINI | RAYMOND CRUZ  
**THE CURSE OF LA LLORONA**  
WITH SPANISH SUBTITLES

PH	MON-THU 4:00   6:15   8:30
FRI	4:00   6:15   8:30   10:45
SAT	1:45   4:00   6:15   8:30   10:45
SUN	1:45   4:00   6:15   8:30

**PBP** MON-THU 5:05 | 7:20 | 9:35  
FRI 5:05 | 7:20 | 9:35 | 11:50  
SAT 2:50 | 5:05 | 7:20 | 9:35 | 11:50  
SUN 2:50 | 5:05 | 7:20 | 9:35

**CXC** MON-THU 5:35 | 7:50  
FRI 5:35 | 7:50 | 10:05  
SAT 1:05 | 3:20 | 5:35 | 7:50 | 10:05  
SUN 1:05 | 3:20 | 5:35 | 7:50

ZACHARY LEVI | MICHELLE BORTH  
**SHAZAM!**

PH	MON-THU 5:30   8:20
FRI	5:30   8:20   11:10
SAT	2:40   5:30   8:20   11:10
SUN	2:40   5:30   8:20

**PBP** WITH SPANISH SUBTITLES  
MON-SUN 9:20

SPANISH  
MON-THU 5:00 | 7:50  
FRI 5:00 | 7:50 | 10:40  
SAT 2:10 | 5:00 | 7:50 | 10:40  
SUN 2:10 | 5:00 | 7:50

**PBP** WITH SPANISH SUBTITLES  
MON-FRI 6:00 | 8:50  
SAT-SUN 3:10 | 6:00 | 8:50

CHRISSE METZ | TOPHER GRACE  
**BREAKTHROUGH**  
WITH SPANISH SUBTITLES

PH	MON-THU 5:50   8:30
FRI	5:50   8:30   11:10
SAT	3:10   5:50   8:30   11:10
SUN	3:10   5:50   8:30

**PBP** MON-FRI 4:05 | 6:40 | 9:15  
SAT-SUN 1:30 | 4:05 | 6:40 | 9:15

REGINA HALL | ISSA RAE  
**Little**

PH	MON-THU 4:40   7:05   9:30
FRI	4:40   7:05   9:30   11:55
SAT	2:15   4:40   7:05   9:30   11:55
SUN	2:15   4:40   7:05   9:30

**PBP** MON-THU 3:40 | 6:05 | 8:35  
FRI 3:40 | 6:05 | 8:35 | 11:00  
SAT 1:15 | 3:40 | 6:05 | 8:35 | 11:00  
SUN 1:15 | 3:40 | 6:05 | 8:35

ZACH GALIFIANAKIS | ZOE SALDANA  
**MISSING LINK**  
ENGLISH WITH ENGLISH SUBTITLES

PH	MON-FRI 4:25
SAT-SUN	2:10   4:25

COLIN FARRELL | MICHAEL KEATON  
**DUMBO**  
WITH SPANISH SUBTITLES

PH	MON-THU 5:50   8:20
FRI	5:50   8:20   10:50
SAT	12:50   3:20   5:50   8:20   10:50
SUN	12:50   3:20   5:50   8:20

SPANISH  
MON-FRI 4:10 | 6:45  
SAT-SUN 1:35 | 4:10 | 6:45

JASON CLARKE | AMY SEIMETZ  
**PET SEMATARY**

PH	MON-THU & SUN 4:25   9:35
FRI-SAT	4:25   9:35   11:55

DEV PATEL | ARMIE HAMMER  
**HOTEL MUMBAI**

PH	MON-FRI 6:50
SAT-SUN	1:40   6:50

DAVID HARBOUR | MILLA JOVOVICH  
**HELBOY**

PH	MON-SUN 6:40   9:25
----	---------------------

**OPENING APRIL 25: AVENGERS: ENDGAME, SOLTERAS INDISPONIBLES**

**THE MAGIC OF THE MOVIES ON YOUR MOBILE DEVICE**

Download on the App Store

GET IT ON Google Play



## Trahadonan di Microsoft ta uni pa protesta nan condicion laboral



**SAN FRANCISCO (AP) — Trahadonan den sector tecnologico na China, cu ta protestando un cultura corporativo di un siman laboral demasiado pisa, ta ricibiendo sosten di nan colega Mericano.**

Un campaña cada bes mas grandi, cuminsa pa desaroyadonan di software Chines riba e plataforma di code GitHub a contribui na un debate publico tocante balans entre trabou y bida den industria tecnologico Chino. Conoci como 996.ICU, referiendo na expectativa cu

hende jong mester traha 12 ora pa dia, seis dia pa siman si nan kier exito financiero – y e idea cu siguiendo un siman ilegal asina por pone nan caba den sala di emergencia (Intensive Care Unit, ICU).

Un grupo di trahadonan na Microsoft, cu ta doño di GitHub, a distribui un carta habri ayera, cu ta urgi e compania pa proteha e pagina di Github, cu ta comparti ampliamente, for di censura. Esaki despues di reportarhenan cu algun browser domestico Chines a restringi acceso na e pagina.

## Experto di siguridad cibernetico Britanico culpabel di crea malware

**MILWAUKEE (AP) — Un investigado di siguridad cibernetico Britanico, conoci pa stop un virus di computer mundial, a declara su mes culpabel di desaroya malware pa horta informacion bancario.**

Fiscal federal na Wisconsin, y e abogadonan di Marcus Hutchins, ta bisa den un declaracion conhunto na corte cu e hoben di 24 aña di edad a bay di acuerdo pa declara su mes culpabel di desaroya e malware, yama Kronos, y conspira pa distribui esaki entre 2012 y 2015. A cambio di su declaracion den e cargonan aki, fiscal a elimina ocho cargo mas.

“Manera boso por sa, mi a declara mi mes culpabel na dos cargo relaciona cu skirbi malware den e añanan prome cu mi carera den siguridad”, Hutchins a bisa riba su website. “Mi ta arepentí di e ac-



tonan aki, y mi ta acepta responsabilidad completo pa mi erornan. Awo cu mi a crece, mi ta uzando e mesun habilidad cu mi a uza pa malo algun aña atras, pa proposito constructivo. Mi lo continua devota mi tempo pa tene hende safe di atakenan di malware.”

Hutchins ta enfrentando 10 aña di prizon, pero lo

por ricibi un sentencia mas suave pa acepta responsabilidad, e declaracion na corte a bisa. Abogadonan a bisa cu Hutchins ta compronde cu e lo por wordo deporta. No tin fecha pa sentencia ainda.

Aresto di Hutchins na Las Vegas na augustus 2017, mientras e tabata cla pa subi un avion pa bay Inglatera, tabata un shock; apenas algun luna atras e tabata un heroe, door

di a haya un ‘kill switch’ pa e virus WannaCry, cu a kibra computer mundialmente. E tempo ey, el a bisa AP den un entrevista cu e no tabata considera su mes un heroe, pero tabata combati malware pasobra ta ‘lo correcto’.

Fiscal a bisa cu Hutchins a haci declaracionnan incriminante durante un interrogacion di dos ora, y despues durante un yamada cual Hutchins tabata sa tabata wordo graba, el a bisa un persona cu e ‘tabata skirbi malware’ añanan atras.

Fiscal a bisa cu Hutchins a bende e software Kronos na un hende na Wisconsin, y cu el a ‘entrega personalmente’ e software na un persona na California. E malware tabata diseña pa ‘intercepta comunicacion y colecta informacion personal, incluyendo number di usuario, password, adres

di email, y data financiero’ di computer, segun fiscal.

Kronos a ‘wordo uza pa infecta cantidad di computer rond mundo y horta informacion bancario’, fiscal a bisa, sin duna un cantidad exacto. No ta conoci cuanto ganashi Hutchins a haya for di e malware, pero chat online intercepta pa FBI na november 2014, Hutchins a lamenta cu el a haya apenas \$8000 di cinco benta. Hutchins a bisa cu el a kere cu lo gana como \$100,000 pa luna di benta di Kronos cu un di su co-conspirador, kende no ta nombra den e acusacion.

Inicialmente, Hutchins a declara su mes inocente di tur acusacion y lo mester a bay huicio den juli. Mientras su caso ta pendiente, fiscal a prohibi e di bolbe su pais. E tabata biba na California, trahando como consultant di siguridad cibernetico.

## Prome hospital pa olifanti na India

**MATHURA, UTTAR PRADESH (JapanTimes) — Na e prome hospital di olifanti na India, cual a habri den estado di Uttar Pradesh, Asha, di 49 aña di edad, a pone su pia riba un stoel pa un dokter atende un herida, mientras bishitantenan tabata film turcos cu nan celular.**

E facilidad, cu ta conta cu entre otro, x-ray digital wireless, imagen termal, ultrasonografia, aparatonan di trankilisacion y facilidad di cuarentena, no unicamente ta yega como un alivio pa e olifantin, sino tambe ta atrayendo turista local y stranhero.



Olifanti ta un parti importante di cultura di India, y ta presenta prominentemente

den festivalnan y procesionnan den sur di e pais. Ademas nan ta uza como atraccion

turistico na varios fort y palacio den region nort y west. E hospital ta plama riba 12,000ft y ta diseña pa trata olifanti herida, cu enfermedad, of geriatico. “Mi ta kere door di construi un hospital nos ta subrayando e hecho cu olifantin mester medida di cuido tanto como otro animal”, Geeta Seshamani, cofundado di Wildlife SOS, e non-profit tras di e hospital, a bisa. “Cu olifanti no mester wordo uza y abusa, sino mester ricibi e respet cu un animal merece si bo ta bay haci uzo di dje.”

Mientras olifanti ta venera como simbolo religioso y cultural di India, tambe nan

ta maltrata pa nan mahouts sin educacion, y hopi biaha ta bira victima di electrocucion, poaching, accidente di trein y envenenamento, segun activistanan pa derecho di animal ta bisa.

Poblacion di olifanti di India a cay na 27,312 na 2017 for di 29,391 na 2012, segun data di gobierno. Centenares di olifanti rond India, cu ta conta cu mas di mita di poblacion di olifanti na Asia, ta wordo teni den captividad y hinca usualmente cu gancho di metal pa subordina nan.

E hospital ta cerca di un centro di conservacion y cuido di olifanti di Wildlife SOS, cu ta cas di 22 olifanti.



*Juliet Carvalhal di Impact Blue:*

## ‘Micro plastic ta den nos cuminda y bestia’

**ORANJESTAD** – Den un reciente entrevista cu Juliet Carvalhal di Impact Blue, a splica tocante e expedicion cu e lo participa aden pa check e medida di plastic rond di mundo, y tambe e daño di e micro plastic den medio ambiente.

Impact Blue ta bay tin un investigacion di un proyecto cu lo tuma luga fin di november. Un expedicion. E proposito di e organisacion, nan tin 6 aña cu un barco di bela, cu nan ta haciendo diferente expedicion na varios luga, pa asina midi e plastic, micro plastic, e ta conoci como ‘Citizen Science Project’.

Den e proyecto ta participa diferente Universidad, un di nan ta University of Georgia hunto cu Jenna Jamback, cu ta haci estudio pa midi tur e plastic cu ta wordo produci na mundo. “E 79% cu ta produci for di 1950, 79% landfills y ambiente. Casi 80% di henter plastic ever basa riba esey e mesun doctor ta trahando cu organisacion expedition pa cualkier sample cu nan tuma riba nan biahe e ta wordo manda pa analisis pa Universidad di Georgia.

Esaki ta su di 6 aña cu e ta ocupa haciendo expedicion na e Pacifico. E ta haciendo su di tres trip pa Caribe. “Nos ta bin Aruba, mi mester a pasa un proceso di aplicacion, anto mi a wordo acepta pa un crew di puro hende muhe. Tin 10 persona fiho riba e boto, cada 2 aña nan ta bay rond di mundo.”

Sra. Carvalhal ta bisa cu Aru-



ba lo participa pa tambe colecta data di e nano plastic cu micro plastic den awa. Tambe cu ta trahando cu varios fundacion y departamento pa co-

labora den e proceso.

“Tin contacto, pero e idea principal ta pa traha hunto y wak kico e awa tin. Nos ta wak e lama cu ta cla y limpi, pero simplemente nos no sa ki sorto of cuanto micro y nano plastic tin den nos lama. Den ultimo aña cu nos a bay, no tabata tin ningun caminda cu nan no a haya plastic den awa den nos ocean”, sra. Carvalhal ta splica.

E idea di e ciencia aki ta cu ta bay haci e den boto, y pa Aruba su organisacion di Impact Blue lo sigui traha, pa asina sigui tuma medida di e micro plastic pa e añanan binidero, pa por sa di unda e plastic ta bin

Segun sra. Carvalhal ta bisa cu locual tin cu haci despues, basa riba e data cu nan colecta den nan biahe, ta keda prioridad. E biahe lo tuma luga dia 29 november y lo yega Aruba pa 9 december. Nan lo pasa

stakeholder den sector priva. E board director ta esunnan cu a sponsor, anto tur e sponsor ta riba e board, cu ta haci pa e proyecto ta posibel. E partnernan di estudio den e fundacion.

Bon Dia Aruba a puntra sra. Carvalhal ki otro producto nan ta enfoca cu tambe ta causa daño den naturalesa. Tin persona cu ta tira otro material, cosnan pa sigui su sha. Con por trece cambio pa evita otro material y proteha naturalesa den futuro?

Sra. Carvalhal ta contesta cu, como fundacion, nan ta tene un estudio independiente pa mescos nan a ‘tackle’ e prohibicion contra uza saco di plastic. nan ta bay haci un analisis y seccion pa yuda identifica otro reto pa wak kico nan por haci cu esey.

Sinembargo, e ta bisa cu pa e ley nobo cu ta biniendo, pa traha hunto cu stakeholders, plastic ‘ta malo pa nos medio ambiente’. E ta bisa cu tin otro substitucion cu nan tin den nan mercado. “Mi ta kere cu nos tin cu haci e cambio ey, pa wak con ta haci esey aceptabel. Con nos por trece cambio trahando den sector.”

E ta continua splica cu su pasion ta e plastic. E ta agrega cu na mundo, plastic ta algo den crisis, pa motibo cu esaki ta kibra den parti chikito y nan ta dura mas di mil aña pa desintegra completamente. “Aunke bo no ta wak nan, nan t’ey y nan ta keda eyan. E ta importante pa nos bira consciente con esey ta afecta nos sistema. E nivel micro plastic ta bayendo den nos cuminda y nos ta comiendo plastic den nos tera y animal”, sra. Carvalhal a finalisa bisa.

Bonaire, y tin actividad cu ta trahando cu organisacion local ora yega Aruba, y tambe lo tin actividad cu nan lo anuncia aki par luna.

Sra. Carvalhal ta bisa cu Impact Blue a wordo lanta como un colaboracion di diferente





## Cada bes mas real: Caminda di Cruz Bibo na Dakota

**DAKOTA** – Diabierna Santo, cantidad di creyente Catolico a asisti na e Caminda di Cruz Bibo realisa den e barrio di Dakota. Esaki ta e di 11 aña cu Sra. Gina Nuboer, hunto cu un team di casi 150 hende, a duna bida na e pasion y morto di Hesus. Esaki ta inclui tur actor y actriznan, y e hendenan encarga cu e parti logistico. E ta spera cu e Caminda di Cruz Bibo aki, cu ta demanda hopi trabou y dedicacion, lo por sigui bibo pa hopi aña mas cu ta posibel.

Sra. Nuboer a bisa cu pa nan tabata un satisfaccion grandi pa mira hopi hende cu a forma parti di loke a bira un tradicion caba na Dakota. E ta haya cu di e manera aki, nan por evangelisa specialmente nos hobennan. Tambe e ta gradici e elenco cu di presentacion aki, ya cu nan ta haci hopi sacrificio. Tin algun di nan cu mester a tuma vakantie pa nan forma parti di e Caminda di Cruz bibo. E ta tuma hopi tempo pa prepara tur cos y practica. Basicamente henter un aña nan ta keda plania riba dje.

Cada version di e Caminda di Cruz Bibo ta percura pa realis'e di e manera mas real cu ta posibel. Pa prepara e

persona cu a fungi di Cristo, for di 4or di madrugate 9or di mainta, nan a cuminsa traha riba e makeup di su herida nan y tambe riba su barba y cabey. Nan por a mira un evolucion positivo den comparacion cu 10 aña pasa. Cada biaha nan a bin cu mas innovacion pa muestra e Caminda di Cruz aki mas real posibel.

Tur esaki ta posibel, ya cu tin hopi boluntario cu ta pone nan habilidad y talento den esaki. Asina e por keda graba den mente di tur esunnan cu por a wak'e, con Hesus a sufri y con sanger tabata sali for di su curpa. Por ta e imagen aki ta muestra uno cruel, 'pero e ta apenas un tiki di loke Hesus realmente a sufri pa nos,' el a bisa.

Pader Joseph, encarga cu e parokia Birgen di Fatima di Dakota, a gradici e asistencia di tur esunnan presente, y tambe esunnan cu a sigui e transmision di TeleAruba. Tambe el a expresa palabra di danki na Sra. Nuboer hunto cu e actornan, kendenan pa medio di e Caminda di Cruz bibo aki ta pone nos reflexiona riba tur loke Hesus mas cu 2 mil aña pasa a haci, entregando su bida pa nos tur. "Pa tur hende por haya bida eterno, bida berdadero," asina e religioso a bisa.

